

蓮宗寶鑑

卷之二

素

C40  
4514  
244



C40-4541

丁翁上座請大藏及有  
家書置之武州紫雲山  
我欲入塔院廬房中永  
為學者不敢許出院內  
當山二世鐵牛機謹誌



B 64853

蓮宗寶鑑序

禪淨二門分祖各幟幾同敵國矣慈覺贊禪師有營  
田開庫之喻各隨所好皆得如心此亦方便和會之  
談耳二物可會若本非二和會奚爲夫禪有如來禪  
祖師禪祖師禪且置佛語禪那華言靜慮所謂八禪  
八定也念佛三昧曰一心不亂都攝六根淨念相繼  
非靜定耶且念佛與唱佛不同唱者口也念者憶也  
母憶子子憶母口乎心乎所念之佛旃檀耶闍浮檀  
金耶毗首羯磨所作耶應身耶報身耶法身耶過去  
佛耶現未佛耶淨土在西方耶舉足下足卽道場耶

9 8 7 6 5 4 3 2 1

9 8 7 6 5 4 3 2 1

觀經金口所宣而曰是心作佛是心是佛故觀心卽觀佛也觀佛卽念佛也極而言之念本無念佛亦無佛能念空所念亦空如來禪卽祖師禪也故大勢至念佛無生觀世音反聞自性二菩薩似各一圓通而同在安養左右彌陀接引東土明乎卽淨卽禪衆聖一揆而後來釋子分張門戶辟之祖宗房屋原只一間而子孫于中牆壁夾斷插籬種棘不相往來其爲執迷顛倒極矣或難言三聖接引則淨土在西方明矣得無與自性惟心之旨相矛盾乎余曰彌陀者衆生之彌陀也衆生者彌陀之衆生也極樂者彌陀之

惟心也惟心者衆生之極樂也故識自性惟心之旨謂西方有彌陀可謂東土皆彌陀亦可謂法報身是佛可謂丈六劣應身與毗首羯磨所作是佛亦可謂念過去佛可謂念現來一切佛亦可而又何禪淨之分別爲耶蓮宗寶鑑一書乃廬山優曇和尚所集標真正譌尋香討根實淨土之指南也因屬楞嚴白法師刻而傳之而僭爲之引

紫柏弟子錢士升書於放下菴之更雨堂

80 1 2 3 4 5 6 7 8 9 10 1 2 3 4 5 6 7 8 9 10 1

卷之三十一

三



東山  
南院

大中興寺寶鑑念佛正因卷第

卷之三十一

三十

東山東林禪寺蓮宗善法祖堂勸修淨業

中僧普度

謹自編集

中僧普度

蓮宗寶鑑一部發明佛祖念佛三昧已蒙諸尊宿

星大善知識題跋印證來詣大都禮拜

皇帝勅賀國公班的客師父主盟佛法得奉法旨教  
般若室利長老賢耶那室利闍羅羅司丞於至  
大元年十月十一日至隆福宮

今上皇帝潛龍時分月海怯薛第一日親捧蓮宗寶  
鑑啓奉

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1

撰述

卷之二

印

令旨敎刊板印行者敬此卽於大都明理不花承

相施到

無量壽法王寺內鏤板已遂畢工所集洪因端

爲祝延

皇帝聖壽萬安

皇太后皇后齊年

太子諸王子千秋文武官僚高增祿位

皇圖永固

佛日增輝 凡曰見聞同成佛道

皇慶壬子正月圓日優曇普度謹識

按經中說西方世界國名極樂其土有佛號阿彌陀巍巍蕩蕩超太古皇不令不申自然而化瓊池金地不染一座樹林水鳥皆演苦空佛願力故攝彼羣情一念相應卽登金臺雖下下品亦聖音胎華蓮雁門尊者社結勝流策勳淨業是以念土佛之道唱行於世迨今千年謂之 蓮宗也去古已遠法流成弊邪道混淆微旨曖昧由是優曇和尚乘宿願力痛嗟正宗奮真實心探尋要旨編次本末剖分僞真定爲十門名曰寶鑑資赴大都咨扣

980 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8

撰述

遺墨錄錄

罽賓班的答灌頂國師證無叢脞契合佛經乃爲聞奏欽遇

皇上金輪皇帝聖通佛慧道合天心至照無私獎稱曰善教刊板印行載上書乞復教

上可之頒降

聖旨遍行各省洗

佛日重光於

聖世起祖風載振於虎溪策精進而勿荒發闡提而必信悟覺花開於心地顯佛性存於本源咸知極樂之歸悉稟無爲之化明教上

仁宗正宗論息闢佛之議於當時優曇獻

皇上寶鑑編復蓮宗之旨於今日雖年代相遠蓋事實相符其名同芳而不萎其功並垂而不朽矣

延祐甲寅住大仰山大圓佛鑑禪師傳法沙門

希陵 拜手

夫心性役乎塵勞煩惱而不爲塵勞煩惱之所汨沒如蓮生淤泥而不因淤泥染汚其質故直指之爲蓮也心性通乎三乘諸法而不爲三乘諸法之所凌奪由宗分支派而不因支派忘失其本故念佛之爲宗也心性虛空含育萬有譬海

9 8 0 1 2 3 4 5 6 7 8 9

1001

1

1

中四珠出無盡藏故標之爲寶也心性明淨照了色象喻一鏡當臺能辨妍醜故名之爲鑑也優曇和尚浙之丹陽蔣氏家世事佛積善生而敏銳弱冠則厭俗緣投簪箬髮初參龍華寶山慧禪師一見器之誠其歷叩諸老之門琢磨淘汰達心淨土見性彌陀深惜祖道湮微述集念佛警要目之曰蓮宗寶鑑言言破惑井井有條天童東岩圓應曰禪師見而證之曰善哉善哉如是如是繼之京都開法於法王禪寺道合灌頂國師捧寶鑑而上奏

金輪興正宗而下頒

玉旨忘軀爲法異世龜鑑開導人天續佛慧命實僧中寶正本齊末統衆歸宗不捨悲願融真混俗示火中蓮振復東林遠公祖師已墜之風于千古之下所謂廬山蓮宗寶鑑者豈徒言哉宿師名德公大人跋讚品題備于卷末後之修淨業者披閱是集洞明佛祖旨趣弘揚斯道垂之無窮其功詎可比量也耶延祐改元甲寅孟夏前發之明智崇勝禪寺比丘大中德合再拜爲之敘云

撰述

選宗寶鑑

卷一

釋文

# 廬山蓮宗寶鑑敘

夫真法界性生佛平等而無異無同妙覺明心染淨混融而非一非二然則塵塵淨土他方此界皆爲極樂之邦念念彌陀蠢動含靈盡是法身之佛蓋爲情生智隔想變體殊心隨生住異滅之變遷境有坑坎堆阜之高下所以淨刹穢方苦樂有異衆生諸佛凡聖不同是致六趣茫茫匍匐九居之內四生浩浩升沉三界之中從迷入迷由苦入苦動經塵劫無解脫期故我佛開方便門教以念佛三昧指有淨土爲歸向焉

所謂念佛三昧者梵語佛陀此云覺者自覺覺他覺行圓滿故名曰佛如睡夢覺如蓮花開爲令有情返照回光淨念相繼久久純熟惑盡障除一念不生前後際斷悟此覺性內無能念之心外無所念之境能所兩忘生佛無二故曰念佛梵語三昧此云正定謂思專想寂神智明妙也經云若念佛者當知此人則是人中芬陀利華東晉遠公祖師因聽彌天法師講般若經豁然大悟入於無量甚深三昧遊止廬山與高僧朝士結緣修行故云諸教三昧其名甚衆功高

易進念佛爲先因以蓮宗名其社焉師乃著念佛三昧敘益發揚此理也天台智者判教謂觀無量壽經爲大乘終實之教以三觀澄心者益顯念佛之旨也法照尊者禮文殊而求指益指此法也省常禪師結淨行緣宰相名卿皈嚮同修者蓋此道也長蘆贊禪師結蓮花勝會感普賢普慧二菩薩入會益證明此道也慈照宗主以本願力示現世間發廣度心引權就實隨機化導益欲令利根鈍根俱悟此道也集白蓮懺開四土圖以信行願爲資糧以戒定慧爲樞要

蓋立此念佛正宗也宋高宗御書蓮社二字蓋崇此法門也欽惟

大元普天一統諸國來朝人心樂善廬山東林禪寺東岩圓應日禪師欽奉

聖旨住持道場修營梵宇集諸賢傳乃追古而整宗  
聖旨  
綱架大法橋名宗遠而開祖道一十八載提唱  
宗乘之外常以念佛三昧開導人天至元壬辰  
聖旨  
秋赴慶元路育王山廣利禪寺請而遜席于開  
先悅堂闍禪師相繼住持元貞元年正月述明  
居士燕覺道破衣和尚欽奉

聖旨勅明蓮宗善法堂護持教法元貞二年正月又欽奉

五年十月欽奉

聖朝頒降

御香金旛到寺自晉至今僅乎千載感斯恩耀遐方異域若賢若愚皆從化焉悉以齊心念佛仰祝皇帝聖壽萬安天下太平法輪常轉熙熙然舜日堯風卽此世界爲極樂世界也普度濫叨釋裔無補教門嘗見稱蓮宗者未諳念佛旨趣棄本逐末著相修行淨業正因逮將沉沒皆是懷寶迷邦背真向僞從其事者紛如牛毛具正見者渺若麟角致令上慢之徒輕忽吾佛之道悲夫去古時遙法久成弊正道湮微邪法增熾人多錯解蹉入邪途不思淨土一門乃出輪廻之捷徑其直如絃其朗如日與旨在於經懺之間不遇明師啓迪猶若羣盲摸象各說異端從冥入冥永纏邪見可痛惜哉矧今惑遇

佛心天子正法治世廻

君臣慶會之時政佛法流通之際不得不以祖師念佛

三昧開示人天用作將來眼目俾同悟入佛知見哉予乃翹心淨土探賾先宗編集要言目曰寶鑑照明真僞凡十篇其首曰念佛正因謂入室必由戶也次曰正教乃示念佛法門漸偏頓圓使進修者隨根器而歸乎至道也又其次曰正宗蓋示念佛三昧正心之理俾修習者明其宗而達其本也又其次曰正法蓋明佛祖暨諸宗師得道之本末欲令後學知有其自也又其次曰正信正行正願俾信正法修正行發正誓而求生西方也次曰往生正訣蓋示臨終生

淨土之路也次曰正報蓋明修行所得淨土依正之功德莊嚴也次曰正論蓋引諸佛誠言破羣邪異見欲令改不善而從善也非敢有助於宗風爲益於未聞者也欲其枉者直之邪者正之疑者決之迷者悟之盡大地人於一念中同得念佛三昧共證菩提不亦偉歟修淨業者無惄慈悲試一展卷見聞隨喜讚輔流通其如佛祖未出世一句子請高着眼昔大德九年乙巳彌陀示相日江州廬山東林禪寺蓮宗善法堂主僧優曇普度齊沐謹題

9 80 1 2 3 4 5 6 7 8 9 10 1 2 3 4 5 6 7 8 9 10 1

9 8 0 1 2 3 4 5 6 7 8 9

10 1

10 1

提述

遺失寶鑑卷一

卷一

# 廬山蓮宗寶鑑綱目

念佛寶鑑敘

念佛正因卷第一

念佛正教卷第二

念佛正宗卷第三

念佛正派卷第四

念佛正信卷第五

念佛正行卷第六

念佛正願卷第七

念佛往生正訣卷第八

念佛正報卷第九

念佛正論卷第十

## 目錄

第一卷 一十四章

念佛正因說 阿彌陀佛因地

彌陀釋迦本願因地

佛爲韋提希聖后說淨業正因

奉養父母

奉事師長

皈依三寶

發菩提心

受持戒法

慈心不殺

修十善業

深信因果

讀誦大乘

勸進行者

第二卷 一十九章

念佛正教說 佛爲父王說念佛

善財叅見德雲比丘說念佛門

智首菩薩說念佛

龍樹大士說念佛

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

標記

標記

標記

標記

標記

標記

念佛功德有七種勝 修持法門

離相念佛三昧無住法門

天台念佛三昧三觀法門

空觀念佛三昧無念法門

日觀念佛三昧專想法門

參禪念佛三昧究竟法門

攝心念佛三昧調息法門

一相念佛三昧專念法門

六時念佛功德回向法門

懺罪念佛功德繫念法門

晨昏念佛功德信願法門

簡徑念佛功德十念法門

慈照宗主圓融四土

第三卷 八章

念佛正宗說 定明宗體

念佛參禪求宗旨說 淨土非鈍根權說

真歇了禪師淨土宗要

寂室大師示淨土實見

大智律師示念佛事理不二 嘴事實

文法師淨行念佛宗要

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

撰述

## 第四卷

二十二章

念佛正派說

遠祖師事實

遠祖師歷朝謚號

明教大師題遠祖師影堂記

廬山十八大賢名氏

貫休禪師題十八賢影堂記

辨明遠祖師成道事

璧谷曇鸞大師

天台智者大師

京師善導和尚

金臺法照大師

睦州少康法師

省常大師

長蘆慈覺禪師

永明壽禪師

天竺慈雲懺主

文潞公傳

潞府宗坦疏主

慈照宗主

無爲子楊提刑

龍舒居士王虛中

儀真王侍郎

第五卷

六章

念佛正信說

斷疑生信

勸發信心

慈雲式懺主往生正信偈

智者大師淨土十疑論敘

楊提刑直指淨土次疑序

9 801 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1

第六卷 一十四章

念佛正行說 修進工夫 資生助道

作福助緣 去惡取善 拔濟幽趣

放諸生命 六度萬行齊修

維摩大士示淨土八法 較明修行難易

天台示淨土忻厭二行門 淨業道場

自行化他 以事檢心

第七卷 七章

念佛正願說 勸發大願

慈照宗主示念佛人發願偈并序

求生淨土要在發願 善導和尚修行發願儀

白侍郎發願求生淨土文

馮濟川施經發淨土願文

第八卷 一十二章

念佛往生正訣說 父母臨終往生淨土

臨終三疑 臨終四關

臨終決疑攝要 僧濟臨終注想西方

善導和尚臨終往生正念文

化佛來迎 賢首菩薩臨終讚念佛偈

情想多少論報高下 命終善惡感報優劣

801 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9 1001

撰述

遺失錄卷一

三

臨終十事不尅念佛勉勸預修

第九卷

五章

念佛正報說 功德莊嚴文 淨土增修聖果

淨土三十益

淨土成佛

第十卷

二十五章

念佛正論說 西方彌陀說 真如本性說

辨真妄身心 辨明三寶 辨見聞覺知

破妄說災福 辨明空見 辨一合相

辨明雙修 辨明三車 辨明三關

辨明大小二乘 辨明不生不滅

辨明曹溪路 辨佛法隱藏 辨明超日月光

辨明髻中珠 辨明無漏果 辨明趙州茶

辨明敎外別傳

辨關閉諸惡趣門開示涅槃正路

辨明四生

破妄立十號

誓願流通

名德題跋

十一章

明州天童長老東岩和尚跋語

廬山白蓮宗主悅堂和尚跋語

西峯及菴和尚信公長老跋語

大慶壽寺都總統西雲和尚跋語

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1

撰述

選言錄卷一

三

饒州薦福長老月礪和尚跋語

姑蘇幻住禪菴中峯和尚跋語

荊峯普賢接待院不會禪師跋語

天峯祐禪師跋語 翰林承旨張疇齋題跋

廬山無住道人竺源跋 廬山優曇普度題

廬山蓮宗寶鑑目錄終

廬山蓮宗寶鑑念佛正因卷第一

十四章

念佛正因說

蓋聞恒河沙數衆如來彌陀第一十方微塵諸佛刹  
極樂是歸至理本極唯心初門必由因地故知合抱  
之木發於毫芒千里之行始於初步欲超生死以淨  
土爲歸趣之方將證涅槃故念佛乃正心之要深信  
極樂真解脫之妙門諦想彌陀實衆生之慈父先明  
落處故望果以修因漸履玄途是從因而至果故知  
集羣賢而結社有其旨焉專念佛以勸人興其教也  
因該果海果徹因源形直無不影端聲和自然響順

80 1 2 3 4 5 6 7 8 9

10

11

撰述

遺失錄卷一

七

勢至示證圓通之要世尊說修淨業之因從聞思修登三摩地憑信行願入法界門是以一念興而萬靈知信心生而諸佛現纔稱寶號已投種於蓮胎一發菩提卽標名於金地有緣斯遇自悟自修淺信不持大愚大錯故云一乘極唱終歸獲至於樂邦萬行圓修最勝獨稱於寶號八十一劫之重罪廓爾煙消十萬億刹之遐方倏如羽化想念專注卽觀心而見佛身心境交參卽因門而成勝果十方淨穢卷舒同在於毫端一性包融浩博該羅於法界是則諸佛與衆生交徹淨土與穢土冥通彼此互修事理無礙若神

珠之頓含衆寶猶帝網之交映千光我心既然生佛同爾是知遊神億刹實生乎自己心中孕質九蓮豈逃於剎那際內二乘賢輩回心卽達於金池五逆凡夫十念便登於寶界嗟乎識昏障重信寡疑多貶淨業爲權乘喚誦持爲龕行豈非耽溺火宅自甘永劫之沉迷悖悞慈親深痛一生之虛喪須信非憑他力截業惑以無由不遇此生死而無路誓同諸佛敢倣前修勸勉後賢深崇此道已發願今發願當發願事事而回向彌陀若已生若今生若當生念念而皆歸淨土欲取一生事辦便於這裏畱心一切時中

撰述

卷之三

三

千車合轍四威儀內萬善同歸齊登極樂妙門速成  
念佛三昧最初一步要分明直至西方無異路

阿彌陀佛因地

鼓音王經云過去劫中有國名妙喜王名憍尸迦祖  
父清泰國王父月上轉輪王母殊勝妙顏生三子長  
曰月明次曰憍尸迦三曰帝衆時有一佛出世名曰  
世自在王憍尸迦心發道意棄捨國位投佛出家號  
曰法藏比丘又大彌陀經云法藏比丘於世自在王  
佛所發無上意一切世間無能及者時佛說二百一  
十億諸佛刹土應其心願法藏稽首禮佛廣說四十

八願云○本經具載若不爾者誓不成佛是時大地震動天  
雨妙華空中同聲讚言決定成佛

彌陀釋迦本願因地

悲華經云往昔劫中有轉輪王名無諍念大臣寶海  
爲善知識同於寶藏佛所發菩提心無諍念發願云  
我修大乘取於淨土終不願於穢土成阿耨多羅三  
藐三菩提世界衆生無諸苦惱我不得如是佛刹爾  
乃不成正覺今旣果滿號阿彌陀故現淨土寶海大  
臣願於穢土成熟有情今已果滿號釋迦牟尼於此  
濁惡世中成佛菩提

80123456789

100123456789

模述

佛爲韋提希聖后說淨業正因

觀無量壽佛經云爾時韋提希號泣向佛白言世尊  
惟願爲我廣說無憂惱處我當往生不樂閻浮濁惡  
世也爾時世尊放眉間光徧照十方無量世界諸佛  
國土皆於中現時韋提希見已白佛言是諸佛土雖  
復清淨皆有光明我今樂生極樂世界阿彌陀佛所  
惟願世尊教我思惟教我正受佛告韋提希阿彌陀  
佛去此不遠汝當繫念諦觀彼國我今廣爲汝說亦  
令未來凡夫修淨業者得生西方極樂國土欲生彼  
國者當修三福一者孝養父母奉事師長慈心不殺  
念之

孝養父母

修十善業二者受持三歸具足衆戒不犯威儀三者  
發菩提心深信因果讀誦大乘勸進行者如此三事  
名爲淨業正因佛告阿難及韋提希諦聽諦聽善思  
念之

孝養父母

念佛乃諸法之要孝養爲百行之先孝心卽是佛心  
孝行無非佛行欲得道同諸佛先須孝養二親故贊  
禪師云孝之一字衆妙之門佛語以孝爲宗佛經以  
孝爲戒言中不昧口出戒光直下分明頓開心地夫  
孝者有在家之孝有出家之孝在家孝者父母愛之

喜而不忘父母惡之勞而不怨承順顏色以盡養生  
出家孝者割愛辭親食微契本深入無爲之理上酬  
罔極之恩趣解脫之要途報慈親之捷徑非但未來  
獲益亦於現世成功所以如來子夜踰城道圓雪嶺  
盧能白金遺母法繼黃梅然而以法斷恩應思報德  
是以迦維省父忉利寧親至於貧乏無依理合躬親  
給侍是故畢陵迦起盡心之戒忍大師有養母之堂  
陳睦州織屨供親朗法師荷擔遊學然則出家者以  
法味爲甘旨不忘返哺之心以佛事爲勤勞未遺世  
諦之禮非但一世父母而多生父母皆報不惟一身

撰述

父母而法界父母皆度同登覺岸豈止周公之配天  
普示迷津故逾考叔之純孝出家之孝其利溥哉如  
或因緣未和父母不聽宜盡在家之孝勸修出世之  
因若能卽俗而真亦有成佛之路覲反嬰兒之行無  
虧膝下之嚴報雙親顧復之勞致一乘圓滿之地遂  
使在家菩薩行解無疑出俗高人因斯可鑑其有局  
於事佛不能盡於事親觀茲有感于中可以克全其  
孝嗚呼光陰易往父母難忘有親在堂如佛在世以  
此報親之德圓成念佛之功是知父母喜懼則諸佛  
喜懼此心清淨則佛土清淨可謂野色更無山隔斷

80123456789

1001

1001

撰述

選釋

## 月光直與水相通

### 奉事師長

古德云生我者父母成我者師方是知師者迷途之明導暗室之慧燈苦海之舟航人天之眼目恩逾父母德重乾坤弟子所以事師不敢慢易也豈不見捨全身而求半偈斷一臂而扣真乘以身爲座而奉師腰石負春而續祖賣心肝而學般若投火聚以證菩提方之古人深爲慶幸奉師學道可不勉哉應知出世投師須求正見參方請益莫附邪宗要明罪福之因由審辨正邪之利害正則成佛邪則成魔打頭不由審辨正邪之利害正則成佛邪則成魔打頭不由

遇作家到老翻成骨董是以如來知師非而捨去夫子擇善者而從之觀古聖之如斯何今人而不爾況當末運多有邪師凡欲修行切莫親近但存正念終值明師要了大緣慎勿容易是故弟子事師卽同事佛也可謂四事供養敢辭勞萬兩黃金亦消得

### 皈依三寶

佛爲三界大師法是羣生眼目僧乃六和上士並爲真淨福田背之則邪順之則正神功莫並聖力難思除苦如藥鼓落鍊脫難若雙劍突圍變苦爲樂而刹那革凡成聖而頃刻是以火車相現皈依而便獲清

9 801 2 3 4 5 6 7 8 9

901

1001

撰述

增補錄卷一

涼地獄將臨稱念而悉皆離苦普明與諸王免難空定功焉帝釋却頂生之戚般若力也所以信心佛子皈依三寶真慈香花供養於佛僧讀誦流通於法寶集茲善利回向菩提普曇衆生同生淨土不見道煩伽鸚鵡稱念而得生西方諸天帝王欽敬而誓求聖道皆能上成佛果下脫苦輪可謂禪是大湧詩是朴

大唐天子只三人

### 發菩提心

無上佛果名曰菩提若發此心決定成佛淨行法門曰凡修淨土須善發心若爲自己厭五濁忻九品則

違菩提心是聲聞行不應發也若爲衆生起大悲心求往彼國希速成就道力神通徧歷十方救度一切令共成佛則順菩提心是菩薩行應當發也今勸淨業高流凡欲利己利他須是發心立志應於三寶前虔奉香花志心發願云南無佛南無法南無僧弟子某從於今日發此大心不爲自求人天福報緣覺聲聞乃至權乘諸位菩薩唯依最上乘法發菩提心願與現生父母及多生父母法界衆生一切怨親同生淨土皆得不退轉於阿耨多羅三藐三菩提如是三說此心時時要發日日當然所以善財一生證果龍

授持戒法

卷之二

三

女八歲成佛地獄發心頓超十地沙彌發意已越二乘可謂一氣回元運恩沾萬物深

### 受持戒法

既發菩提心應修菩薩行初受三皈次持五戒漸修十種善法圓滿三聚律儀根熟則今持根生則分受年有三善月有六齋如或五戒難行且除酒肉二味十重易犯且持不殺一門輕塵積嶽墜露添流一滴下崖終歸大海故涅槃經云佛在世日以佛爲師佛滅度後以戒爲師梵網經云戒如明日月亦如瓔珞珠微塵菩薩衆由是成正覺所以龍無犯殺之心狼有持齋之意比丘苦節至於繫草護鵝居士病緣終不飲酒食肉是知諸善之本五戒爲先王者履之以治國君子奉之以立身不可造次而離不可須臾而廢佛稱五德儒謂五常在天爲五星在地爲五嶽在人爲五藏在處爲五方廣而言之無所不統仰觀俯察莫能加焉故法苑珠林云世俗所尚仁義禮智信也貪識所資殺盜淫妄酒也道俗雖乖漸教通也正法內訓必始於因此則在乎實法指事直言不假飾辭託名現意如斯而修因不期果而果證從茲而入道不美樂而樂彰今見持戒不殺不求仁而仁著守

戒不盜不忻義而義敷不姪者不祈禮而禮立不妄  
者不慕信而信揚不飲者不行智而智明非但律已  
防非亦以助國揚化欲修成於淨行須嚴護於戒根  
可謂萬善和融同佛士熙熙長樂太平時

撰述

戒不盜不忻義而義敷不姪者不祈禮而禮立不妄  
者不慕信而信揚不飲者不行智而智明非但律已  
防非亦以助國揚化欲修成於淨行須嚴護於戒根  
可謂萬善和融同佛士熙熙長樂太平時

### 慈心不殺

卵胎濕化飛走蟲魚皆未來諸佛之流或過去多生  
父母至於顚顚怖死汲汲貪生避苦而樂其身此情  
一等求安而養其命斯理萬均何乃聲哀哀而牽上  
刀砧眼盼盼而驅就死地或張羅亘野布網連山火  
逐嶺以高低煙隨處而疎密疾電之鷹爭舉追風之

馬競前猿覩箭以魂飛雁看弓而膽落解頭陷腦之  
酸難抵洞骨徹骨之痛奚禁况斯等共烹五行俱含  
四象同沾佛性共有神明何乃陳此肉山樹茲炮烙  
充其口腹美彼心肝殊不知斷其命者是出佛身之  
血食其肉者寧非父母之身造殺害之深尤斷慈悲  
之種性生前福壽暗裏消磨死後沉淪刀山劍樹還  
作雞猪魚兔次第填償至於宰割烹炮因果相似諦  
觀食肉可謂寒心縱售易於屠門亦難逃於重罪苦  
薩寧當破骨終不食噉衆生是以白兔焚身而仙人  
不顧也草尙不拔肉豈容嘗遠彼庖厨有聞聲不忍

9 80 1 2 3 4 5 6 7 8 9

100 1

100 1

撰述

之訓養他出賣同口殺心食之尤大聖垂慈所以制  
戒永斷殺生其德大也修淨土人故當持守可謂不  
貪香餌味始是碧潭龍

修十善業

夫大乘玄要元不離於一心淨業正因必先修於十  
善斷身口七重之罪七行斯成滅意識三毒之根三  
學自備彌陀經內求淨土者之所當修華嚴經中離  
垢地者乃能親證人天至於有頂以十善爲受生之  
緣聲聞以至佛乘由十善爲人道之本弗遵佛制墮  
三塗之要門縱得人身獲二種之惡報不修乃十不

善道奉持爲十戒法門實乃淨土鑑基普勸常修此  
行是菩薩之法苑宜令安住其中可以至無畏大城  
可以登不退轉地功德詎可思量佛子所以當學

深信因果

擬步玄途洗心大道深信世間因果究明出世根源  
將窮其源必在其要要而在用者其於心法乎心也  
者彌綸於萬行會通於羣數蓋以心無常法乘善惡  
而迭用以罪福爲影響故因果不相違是知涉境而  
動謂之因動而生識謂之緣緣起則有業相隨有業  
則果報定矣是以善行惡行世間之因也三界六道

9 80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

九有四生世間之果也念佛法門出世間之因也九品化生淨土成佛出世間之果也於上因果心中明了故不樂着世間之法於出世間法心行不違念不忘於淨土心心不離於彌陀何以知其然如今是因臨終是果應知因實果則不虛夫善惡二輪苦樂二報皆三業所造四緣所生六因所成五果所攝若一念心瞋恚邪淫卽地獄業慳貪不實卽餓鬼業愚癡閻蔽卽畜生業我慢貢高卽修羅業堅持五戒卽人業精修十善卽天業證悟人空卽聲聞業知緣性離卽緣覺業六度齊修卽菩薩業真慈平等卽佛業

若心淨則香臺寶樹淨刹化生心垢則丘陵坑坎穢土受形皆是等倫之果能感增上之緣是以離自心源更無別體維摩經云欲得淨土但淨其心故知一切歸心萬法由我欲成淨果但行淨因又當知闡提邪見定應墮千劫泥犁誹謗撥無卽此是邪魔眷屬觀報應之若是如影如形信因果之歷然可驚可懼所謂苦瓠連根苦甜瓜徹蒂甜

讀誦大乘

旣慕西方當求了義暗中有寶無燈照終不自知古鏡埋塵不揩磨豈能光顯調和三業體究一心恭奉

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

真文研味聖意深入法源之底洞探諸佛之機理路  
 裕通心花發現不見道倚松之葛上聳千尋附托勝  
 因方能廣益譬夫桂生高嶺雲露方得滋其華蓮出  
 綠波飛塵不能汚其葉雖蓮性自潔而桂質本貞良  
 由所附者高則微物不能累所憑者淨濁類不能沾  
 夫以卉木無知尚猶資善而成至善人倫有識得不  
 因心而證佛心豈不聞智者諦法華見靈山之未散  
 圭峯讀圓覺忽心地以開通達本情忘普菴契華嚴  
 之旨應無所住六祖悟般若之宗觀先德而可遵豈  
 今人而不學可謂渡河須用筏到岸不須船

### 勸進行者

夫學佛初門大悲是菩薩正轍利他要行勸進乃淨  
 業勝因晉社羣賢願祈生於安養十方海衆忻出離  
 於娑婆痛嗟生死之難逃堪嘆無常之期速可不景  
 行前哲導彼後昆哉勸一人二人以至多人是佛門  
 之法施念一佛二佛以至萬佛趣樂土之玄猷日課  
 千聲佛名積月至年則有三十六萬聲佛積而不迨  
 亦幾於佛地乎日行小善一事積月至年則有三百  
 六十善事積而不迨亦幾於君子乎爲愚爲小人而  
 不通懺悔同禽獸者良由不學亦無勸進之人也經

9 80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

言若人以四天下七寶供養佛及菩薩緣覺聲聞得福甚多不如勸人念佛一聲其福勝彼此世尊之勸進也語云已欲立而立人已欲達而達人此仲尼之勸進也勉爾同盟薰淘淨行或正月五月九月爲一集或半年一年三年爲一期深植善根普皆回向常爲道侶更互相資一人退惰則協力提携一人捨凡則遞相照顧雖不能弘教利物亦可以溫故知新豈不見施人一錢人稱受惠益人一語彼豈無知財施則濟一世之貧食施則濟一日之命法施則令人出世其功德誰可比倫財施如燈止明一室法施如日

徧照大千恪法而不勸修累劫沉於黑獄推已而行化導現生則是阿彌敢與運慈遞相勸發以斯悲願結此淨緣拔滯溺之沉流出輪廻之捷徑齊登樂土圖報佛恩可謂未度者令度矣

### 廬山蓮宗寶鑑念佛正因卷第一

音釋

胜

倉果切細碎

無大略也

闇

貌又和敬也

浹

胡犬切流也

浙江嘉興府嘉善縣夢華居士錢士升發心捐該銀二兩八錢四分八厘專祈升慧根長進夙業消除以及一切有情永脫兵荒咸獲饑益崇禎癸未冬楞嚴寺般若堂白法老人性琮識

9 8 0 1 2 3 4 5 6 7 8 9 10 1 2 3 4 5 6 7 8 9 10 1

音釋

風山夢寐寶鑑錄直固公集

圖解釋解未入身令更笑

法界本無衆生衆生緣乎妄見如來本無言教言教  
爲乎有情妄見者衆生之病言教者衆生之藥以藥  
治病則病無不治以言覺妄則妄無不覺凡夫日用  
而不知如來之道鮮矣故我能仁大覺愍羣機之未  
悟也於是仰推大慈俯垂妙範華嚴頓示聲聞尙若  
盲聾阿含委說菩薩未蒙獲益方等贊大般若蕩空  
涅槃殊途同歸法華普皆受記於是羣經森列偏贊

廬山蓮宗寶鑑念佛正教卷第二

東林禪寺蓮宗善法祖堂勸修淨業臣僧普度謹自編集

念佛正教說

法界本無衆生衆生緣乎妄見如來本無言教言教  
爲乎有情妄見者衆生之病言教者衆生之藥以藥  
治病則病無不治以言覺妄則妄無不覺凡夫日用  
而不知如來之道鮮矣故我能仁大覺愍羣機之未  
悟也於是仰推大慈俯垂妙範華嚴頓示聲聞尙若  
盲聾阿含委說菩薩未蒙獲益方等贊大般若蕩空  
涅槃殊途同歸法華普皆受記於是羣經森列偏贊

9 80 1 2 3 4 5 6 7 8 9

90 1

100 1

西方蓋以阿彌陀佛願廣緣強法尊理備而然爾其教也指佛國爲歸趣華池寶地勝妙莊嚴令忻彼而厭此也其理也示彌陀卽自性念念圓明心心實相如大海之混百川也其行也開示十六觀門攝心妙境了性相空如明鏡之見面像也其果也九品次第化生普攝利鈍登不退階至無上之菩提道也是故九界衆生以無所得心而修佛國妙行不亦宜乎如來出世之懷於斯盡矣偏贊之辭有其旨焉真百千三昧之要門乃一實境界之直道論事儀則懺六根雪三業究宗旨則空萬法了一心是謂超苦海之健

舟救急病之良藥信斯道者開本覺心出五濁苦達真淨土了性彌陀若明月之當空似蓮花之出水故蓮宗之教以是名焉揚無爲云蓮者出乎淤泥不捨衆生界也處空無染顯露清淨體也華而有實非魔境也華實同時因果一如也華開蓮現示權顯實也華落蓮成廢權立實也一蓮生無量華建立一切法也十方同一華藏示佛境無異也蓮教之義得非是歟所以與慈運悲者遊戲於常光之界戒珠義海者涵泳於解脫之淵是以天龍護持王臣致敬古今不墜其化士民仰慕其風非夫大悲願力撫哀末習其

980 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

孰能臻此哉是故龍樹論證之晉賢社修之天台判釋之慈恩通贊之慈照集而懺之宗坦疏而解之宿衲名儒奉之者寶珠有集高賢達士修之者簡編有題於戲大法下衰去聖逾遠事佛者衆謀道者稀競聲利爲已能視流通爲兒戲遂令法門凋瘵教網傾頽實賴後賢克荷斯道普冀亡軀爲法潔已依師欲達真乘須親教典稟教乃能明理明理然後修行行願無虧道果可證故知耳聞目見當依四法以思修口誦心違縱解千章而何益是乃心以教照佛以念持非以戒防罪以懺雪道以實踐動以禮行近則期

於立身揚名遠則希於革凡成聖發揮佛祖之道捨我輩而誰歟堅秉慧刀裂開塵網飲正法之甘露伐邪見之稠林避惡友如避虎狼事良朋如事父母謹守志節母退大心正覺可遵非道莫履有過務速改有善勿矜誇自然與禍斯違與福斯會現居塵世則人敬之天祐之他日淨方則聖可期道可至豈在乎相形問命諭求榮達之時又何必望影瞻光卜度終歸之日此匪道人之見識實乃凡庸之妄情莫徇他人求但依本分在當仁而不讓宜見賢以思齊名利不足動於懷死生不足勞其慮欲功成而志遂必自邇

9 80 1 2 3 4 5 6 7 8 9 10 1 2 3 4 5 6 7 8 9 10 1

而涉遐當驗果以推因信有作而有報智足以照惑  
明足以燭幽言斯可法行斯可樂德義可尊進退可  
度辯僞識真若試金之美石除昏鑒物猶照世之真  
燈是大導師作不請友擲出龍宮之寶均施羣生撤  
開祖門之關普容來者蠲滌邪病指歸妙源俾昏鏡  
以重磨若垢衣而再淨使真風復振福及大千覩慧  
日增明輝騰萬古可謂法王之真子可謂大丈夫焉  
以此而奉西方大聖人之教者復何愧歟

### 佛爲父王說念佛

寶積經云世尊父王頂禮佛足一心合掌而白佛言

云何修行當得諸佛之道佛言一切衆生皆即是佛  
汝今當念西方世界阿彌陀佛常勤精進當得佛道  
王言一切衆生云何是佛佛言一切法無生無動搖  
無取捨無相貌無自性可於此佛法中安住其心勿  
信於他爾時父王與七萬釋種聞說是法信解歡喜  
悟無生忍佛現微笑而說偈曰釋種決定智是故於  
佛法決定心安住人中命終已得生安樂國面奉阿  
彌陀無畏成菩提

### 善財五十三叅首見德雲比丘說念佛門

華嚴經入法界品云德雲比丘告善財言善男子我

801 2 3 4 5 6 7 8 9

10

11

12

13

撰述

寶鏡卷一

口

卷一

得自在決定解力信眼清淨智光耀普觀境界離一切障具清淨行往詣十方供養諸佛常念一切諸佛如來總持一切諸佛正法常見一切諸佛隨諸衆生種種心樂示現種種成正覺門於大衆中而師子吼善男子我惟得此憶念一切諸佛境界智慧光明普見法門所謂智光普照念佛門令一切衆生念佛門令安住力念佛門令安住法念佛門照曜諸方念佛門入不可見處念佛門住於諸劫念佛門住一切時念佛門住一切刹念佛門住一切世念佛門住一切境念佛門住寂滅念佛門住遠離念佛門住廣大

念佛門住微細念佛門住莊嚴念佛門住能事念佛門住自在心念佛門住自業念佛門住神變念佛門住虛空念佛門

智首菩薩說念佛

華嚴經云一切威儀中常念佛功德晝夜無暫斷如是業應作

龍樹大士勸念佛

大智度論云佛是無上法王諸大菩薩爲法臣諸臣所尊重者惟佛法王是故菩薩應當念佛又云有諸菩薩自念往昔謗般若墮惡道經無量劫雖修餘行

9 80 1 2 3 4 5 6 7 8 9 10 1 2 3 4 5 6 7 8 9 10 1

未能得出後遇善知識敎行念佛三昧卽得併遣罪障方得解脫又偈云若人願作佛心念阿彌陀卽時爲現身故我皈命禮

念佛功德有七種勝

甘露疏云一詞少易行勝唯稱一句南無阿彌陀佛一切人可念故二念緣佛境勝一心緣念佛身相好淨國爲境故三離難獲安勝諸佛菩薩加護念佛者無諸患難安慶吉祥四稱名滅罪勝念佛一聲滅八十億劫生死重罪五持念獲福勝稱佛一聲勝四天下七寶供佛及阿羅漢六果感見佛勝衆生念佛必

定見佛七親迎往生勝化佛菩薩放光迎接行者往生佛土

修持法門

夫無爲境界過絕名言有漏色心要憑修證真如具含衆德方便而有多門上自離相平等下至十念稱名總括不離三乘往生冥符九品有念終歸於無念有生直至於無生可謂一句彌陀羣機普應矣

離相念佛三昧無住法門

慈照宗主云離相念佛三昧者上根智人悟此深理常運虛空平等心無我人衆生壽者相經云離一切

撰述

遺稿錄卷一

諸相卽名諸佛論曰我以計內人以計外衆生以續前爲能壽者以續後爲義旣無內外前後執心則一切諸相悉皆空寂故經云知無我人誰受輪轉亦無身心受彼生死是名離相念佛三昧此則見一切衆生本性皆同彌陀旣不執有相無相二邊亦無有斷見常見之說由是念念彌陀出世處處極樂現前如此念者無念之念念則真如無生之生生則實相故知無念卽離念實相乃無相無相則無住無住則入佛境界此乃無上正真大菩提道若到此地無修無證無生死可脫無涅槃可求性相俱空聖凡齊等無

佛道可成無衆生可度無已靈可得一念無爲十方坐斷無一法本有無一法始成自他互收事理無礙塵塵具足刹刹全彰法本如然思議莫及可謂十方薄伽梵一路涅槃門

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

標題


卷之二

七

觀法門一相圓滿圖

聖真以降時全達本心故然更無以可說大  
空圓滿一去本音取一去聲如自餘耳耳事取無  
輪第至知無乘半有乘無方靈門管之念無等十  
方

天台念佛三昧三觀法門



9 8 0 1 2 3 4 5 6 7 8 9

10 1

10 1

## 概述

智者大師云諸佛教理既明非觀行無以復性乃依一心三諦之理示三止三觀一一觀心念念不可得先空次假後中離二邊而觀一心如雲外之月者此乃別教之行相也又云破一切惑莫盛乎空建一切法莫盛乎假究竟一切性莫大乎中故一中一切中無假無空無不中空假亦爾卽圓教之行相也如西天伊宇三點首羅天之三目非縱非橫並列故三觀圓成法身不素卽免同窮子也龍樹菩薩偈云因緣所生法我說卽是空亦名爲假名亦名中道義斯與楞嚴圓覺經說奢摩陀三摩鉢提禪那三觀名目雖殊其致一也亦曰三諦天然之性德也中諦者統一切法真諦者泯一切法俗諦者立一切法舉一卽三非前後也含生本具非造作之所得也秘藏不顯蓋三惑之所覆也無明翳乎法性塵沙障乎化導見思阻乎空寂然茲三惑乃體上之虛妄也由是立乎三觀破乎三惑證乎三智成乎三德空觀者破見思惑證一切智成般若德假觀者破塵沙惑證道種智成解脫德中觀者破無明惑證一切種智成法身德非各別也非異時也天然之理具諸法故然茲三諦性之自爾窮理盡性故與禪宗異而非異也行者念佛

801 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8

之時意根爲因白毫圓光爲緣所起之念卽所生法諦觀念佛心起卽是假名體之卽空洞鑒此心有如來藏離邊顯中若根若塵並是法界諸佛衆生一念普應卽邊而中無佛無念此乃大乘圓修三觀念佛也可謂無相無空無不空卽是如來真實相見思

### 空觀念佛三昧無念法門

空觀念佛三昧者卽祖師序云思專想寂志一不撓氣虛神朗無幽不徹入斯定者昧然忘知塵累頓消滯情融朗非天下至妙孰能與於此哉智者大師以空觀而蕩一切法故云一空一切空無假無中而不

空入此觀者是審實真諦也今欲令行人反妄歸真故謂之從假入空觀蓋假者是入空之詮先觀一切法是假乃至四大五蘊六根六塵六識盡十方世界山河大地皆無一物了知虛妄而得會真故名二諦觀修此者先要攝心靜坐將一間一切虛妄不實境界盡情掃蕩俱不住着惟觀於空故般若經云內空外空內外空空空亦不可得如是頓入如來寶明空海性覺真空卽如來藏空性圓明靈光遍照法界性智名佛知見可謂諸行無常一切空卽是如來大

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1

撰述

卷之二

六

圓覺

日觀念佛三昧專想法門

觀無量壽佛經云佛告韋提希汝及衆生應當專心  
 繫念一處想於西方凡作想者一切衆生自非生盲  
 有目之徒皆見日沒當起想念正坐西向諦觀於日  
 令心堅住專想不移日欲沒時狀如懸鼓旣見日已  
 開目閉目皆令明了是爲日想名曰初觀行人入此  
 觀者須於靜處屏絕外緣正坐攝心諦觀日輪現在  
 目前注心一境凝然寂靜如對明鏡自覩面像心若  
 駁散制之令還心息住定卽得三昧可謂海底金烏

天上日眼中瞳子面前人

參禪念佛三昧究竟法門

遠祖師禪經序云禪非智無以窮其寂智非禪無以  
 深其照禪智者照寂之謂其相濟也照不離寂寂不  
 離照感則俱遊應則同趣慈照云寂而常照照而常  
 寂常寂常照名常寂光念佛之人欲參禪見性但依  
 此法要於靜室正身端坐掃除緣累截斷情塵瞪開  
 眼睛外不着境內不住定回光一照內外俱寂然後  
 密密舉念南無阿彌陀佛三五聲回光自看云見性  
 則成佛畢竟那箇是我本性阿彌陀却又照覩看只



80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8

撰述

明悟譬如盲人忽然有眼爾時見徹不用尋人指路  
也今此攝心念佛欲得速成三昧對治昏散之法數  
息最要凡欲坐時先想已身在圓光中默觀鼻端想  
出入息每一息默念南無阿彌陀佛一聲方便調息  
不緩不急心息相依隨其出入行住坐臥皆可行之  
勿令間斷常自密密行持乃至深入禪定息念兩忘  
卽此身心與虛空等久久純熟心眼開通三昧忽爾  
現前卽是唯心淨土

一相念佛三昧專念法門

大般若經云曼殊室利白佛言菩薩修行何法疾證

無上菩提佛言菩薩能正修行一相莊嚴三昧疾證  
菩提修此行者應離喧雜不思衆相專心繫念於一  
如來審取名字善想容儀卽爲普觀三世一切諸佛  
卽得諸佛一切智慧天台十疑論云一切諸佛悉皆  
平等但衆生根鈍濁亂者多若不專心繫念一佛則  
心散漫三昧難成故專令念阿彌陀佛卽是一相三  
昧寶王論云修持一相念佛三昧者當於行住坐臥  
繫念不忘縱令昏寐亦繫念而寢覺卽續之不以餘  
業間斷不以貪嗔等間隔隨犯隨懺悔不隔念不異  
念不隔日不隔時念念常不離佛念念清淨圓明卽

9 8 0 1 2 3 4 5 6 7 8 9

10 0 1

撰述

通鑑卷之二

是得一相三昧也可謂是若了一萬事畢

六時念佛功德回向法門

遠公祖師東林結社僧俗同修大智上賢深入禪觀  
得念佛三昧中流之士六時修禮淨土回向西方唐  
有詩云遠公獨刻蓮花漏猶向山中禮六時凡修此  
法先於淨室安置佛像香花燈燭隨分供養澡浴塵  
垢着清淨衣每日於日初時日中時日沒時夜初時  
夜半時夜終時自對三寶端身合掌信禮西方每一  
時目覩慈容稱念南無阿彌陀佛聖號一千遍禮佛  
四十八拜念西方文發願回向每日晝三夜三六時

行道精專不倦志意修持堅固行願淨業圓成他日  
必得中品中生矣

懺罪念佛功德繫念法門

大彌陀經云我作佛時十方無央數世界諸天人民  
聞我名號燒香散花燃燈懸繒飯食沙門起立塔寺  
齋戒清淨益作諸善一心繫念於我雖止於一晝夜  
不絕亦必生我刹不得是願終不作佛又云我作佛  
時十方無央數世界諸天人民以至蜎飛蠕動之類  
前世作惡聞我名號卽懺悔爲善奉持經戒願生我  
刹壽終皆不經三惡道徑遂往生一切所欲無不如

9 8 0 1 2 3 4 5 6 7 8 9

9 0 1

2

3

4

5

6

7

8

9

0

1

2

3

4

5

6

7

8

9

0

1

2

3

4

5

6

7

8

9

0

1

撰述

遺稿錄卷二

三

意不得是願終不作佛凡修持者先當嚴淨壇場燒  
香燃燈廣設供養請一比丘及諸上善人同壇尊證  
白佛陳意絕慮去憂勿預家事勿近內人齋戒修持  
繫念彼佛名號一晝一夜每佛一千聲誦彌陀經一  
卷如是三次志心懺悔回向云我今自憶有生以來  
造諸惡業願此念佛功德得入如來大誓海中承佛  
慈力衆罪消滅冤尤釋除三業所生一切諸善莊嚴  
淨願福智現前願得臨命終時自知時至身無病苦  
心不顛倒如入禪定於一念頃徑生西方極樂國土  
見佛接引於七寶池中蓮花臺上蒙佛受記得聞經

法頓開佛慧廣度衆生滿菩提願可謂水向石邊流  
出冷風從花裏過來香

晨昏念佛功德信願法門

在家菩薩奉佛持戒逐日營辦家緣未能一心修行  
者須是早起焚香參承三寶隨意念佛每日黃昏亦  
如是禮念以爲常課如或有幹失時次日當自對佛  
懺旣此之法門要且不妨本業爲士者不妨修讀爲  
農者不妨耕種爲工者不妨作務爲商者不妨買賣  
晨參夕禮之外更能二六時中偷那工夫持念佛號  
百聲千聲志誠爲功期生淨土回向云弟子某禮念

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1

撰述

功德願命終時徑生淨土蓮花池畔親見彌陀寶樹行中相逢善友普爲父母師長法界衆生同滿此願可謂積塵成巨嶽滴水漸成河

簡徑念佛功德十念法門

慈雲式懺主云在俗人塵務忙冗每日清晨服飾已面西合掌念南無阿彌陀佛盡一口氣爲一念如是十念但隨氣短長氣極爲度其念佛聲不高不低調停得中如此十念連續不斷意在令心不散專精爲功顯是藉氣束心也回向云某一心皈命西方阿彌陀佛願以淨光攝我我今稱如來名經十念頃求生

西方佛昔本誓若有衆生欲生我刹十念我名若不生我國者我誓不成佛今以十念功德願命終時心不顛倒於一念頃生極樂國聞佛妙法速證菩提可謂信心如不退決定禮金龕

慈照宗主圓融四土選佛圖序

夫寂光同居一智無殊情生彼此見有親疎覲面了色空性如如本無二路自見妙巔吾不如是一體毘盧先須識本免被茶糊行有行相智有智模願有願力進有程途惺惺寂寂如淨明珠照徹心體凡聖同途四土合徹三身一如頭頭淨土處處阿彌且山僧

9 80 1 2 3 4 5 6 7 8 9 10 1 2 3 4 5 6 7 8 9 10 1

換述


因見四土混亂無綸智轉行融致使利鈍不分因果俱失只言淨土不知淨土高低只說唯心不知心之深淺故見諸家相毀各執一邊誰知自破宗風非魔能壞今則略開一線述出四圖削去迷情頓明心地然後河沙法界該收一紙之中無量法門出乎方寸之內耳

開示小乘水空鑒金闕

本末圓音妙善小娘將今以十念成菩薩

南無觀音菩薩首大悲者首樂王爲主持開法會

圖



自性彌陀佛  
唯心淨土機  
悟來唯一念  
迷後歷三祇  
折攝二門設  
聖凡一路歸  
世情看冷暖  
人面逐高低

9 80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

撰述

卷之三

三

# 凡聖同居土

## 三光具足



如廕序出身

凡聖情差智有殊  
須憑修證契毘盧  
恐人易一行疲倦  
權指西方住半途  
橫出三界少人知  
易修易往勿狐疑  
塵垢未除求解脫  
一心信願念阿彌  
臨終正念分明去  
三朝七日預知時  
既生淨土常聞法  
何愁不得悟心機

願	三宗	勝	情	具	十	橫	須陀洹	八	凡
不	德	用	劣	見	念	須	陀	洹	
退	迷	體	應	未	成	須	陀	洹	
				煩	出	須	陀	洹	
						須	陀	洹	
						須	陀	洹	
						須	陀	洹	
						須	陀	洹	
						須	陀	洹	
						須	陀	洹	

此土但有信願念佛不斷煩惱不捨家緣不修禪定臨命終時彌陀接引皆得往生淨土便獲神通得不退轉直至菩提凡聖同居土者乃自他受用三光具足總攝四土九品化生據理後三土皆在其中不別出而祇引下下品者蓋祖師明其易修易往也其餘品位高低各隨行願修證而成也

9 8 0 1 2 3 4 5 6 7 8 9 10 1 2 3 4 5 6 7 8 9 10 1

撰述

# 方便勝居土

斷除煩惱絕蹤由  
滅智灰心便罷休  
寶所不能前進步

如來方便故相留  
堅出三界聲聞性

煩惱塵勞急斷除  
入定四禪頻觀鍊

永超凡世不還歸  
如邊功出身



行	解	體	勝	一	破	八	豎
不	脫	用	應	切	見	關	出
退	德	宗	身	智	惑	生	界
等	等	等	等	思	關	聞	弟
所	見	聞	聞	三	出	子	六
見							
身							
居							

此土皆是定性小乘根性怕怖三界如虎鬼龍  
蛇破見思惑殺貪嗔癡斷如來種如獐獨跳不  
顧後羣偏執小見沉空滯寂生方便土如來純  
說大乘調伏

801 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9 1001

撰述

卷之二

七

卷之二

大實報莊嚴土

心法微微猶未遣  
應知情盡始除根

貼肉汗衫旣未脫  
纖塵猶礙大乾坤

非橫非豎理偏宜  
三觀澄心進莫疑

一力未能超彼岸  
依然還落聖賢機



如月之輪

人間

四

五

六

七

八

九

十

十一

智般用圓道

破塵三非橫

萬

一生

補處

及諸

菩薩

不若宗滿種

沙惑心非橫

萬

一

千

及諸

菩薩

退德體身智無明

分破克堅四

一生

補處

及諸

菩薩

三千大士

所見居

此土皆是大乘圓修三觀十住十行十向十地等覺法身大士如塵若沙各各分破無明分身十方八相成道度脫衆生皆未究竟天台賢首敎委明

常寂光淨土

境智如如絕證修  
更無閑事滯心頭

日

情盡見除消息斷

光

一輪明月掛中秋

如

衝關透頂不思議但於當

念

念絕思惟唯心淨土唯心

破

淨直下承當第一機智開

衝

感破無煩惱返本還源獨

無

自知無心身滿塵沙界任

諸

運攝將諸子歸

法

一

宗

衝無諸法果

清

一切三念關上佛界人

淨

三念關上佛界人

切

不透正所見身居

種

不透正所見身居

惑

真見身居

德

真見身居

用

真見身居

身

真見身居

智

真見身居

慧

真見身居

生

真見身居

頂

真見身居

真

真見身居

見

真見身居

身

真見身居

居

真見身居

此土是寂上乘境界惑盡情忘諸法不生般若

不生不生不生名大涅槃究竟居涅槃山頂端

居常寂光土名清淨法身毘盧遮那佛名到彼

岸亦名空劫以前自己也

東京大学総合図書館所蔵

801 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9 1001

攝述

攝述

四土非方域  
情生礙不通  
悟迷分大小

淨穢隔西東  
萬有形雖別  
千機理自同

大見始終無改  
春風俱一拂  
何處不花紅

小見九品差殊  
上智祇在一心  
下智東西隔礙

三界二十八天	一切人道	餓鬼道
所居處	阿修羅畜生地	
所居處	道所居處	獄之處
釋迦佛	諸菩薩	緣覺聲
文殊	摩訶薩	四果羅漢
普賢	聞等所	并初發心
土	所居土	
方便土	居之處	
同居土	人所居	

西方是取相欣厭二  
門修若人從此入得  
一切處皆淨土

莫謂西方遠西方在

目前雖云越十萬曾

不離三千念佛終開

口花池已種蓮信心

如不退決定禮金仙

西方是取相欣厭二  
門修若人從此入得  
一切處皆淨土

如月之光	如星之光	如墮之光
金四照耀	火六金身	八尺之身
三心克佛坐	八關等生	十念成就坐
觀音	機見	
勢至		
彌陀佛		
上三品		
中三品		
下三品		

寂光王一生補處及聲聞弟須陀洹及不同

讀大士所見子所見其天質

實報土方便土同居土

阿鼻依正全處極聖之自身心土毘盧不逾下凡之  
一念智者云豈離伽耶別求常寂光土須知毘盧遮  
那偏一切處善觀心者一切萬法惟心本具耳

9 80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

觀

方便土 沉空滯寂偏執小見。


欲識天眞佛  
從來絕證修  
不須外尋覓

但向自心求  
悟後三身令

迷時四不周  
莫生分別見

直下息心休  
莫生分別見

夫終日寂光而未常寂光者凡夫也欲證寂光而未極寂光者菩薩也具足寂光而住持寂光者如來也常寂光淨土是離相心若到此地見一切處皆常寂光



801 2 3 4 5 6 7 8 9


1001

1001

桺述

通鑑錄卷之三

教是佛眼禪是佛心心若無眼心無所依眼若無心  
眼無所見心眼和合方辨東西禪教和融善知通塞  
當知機有利鈍法有開遮若定作一路收機都成謗  
法四門入郭都至府前四土修心各登彼岸聽教之  
士不可偏邪參禪之流應如是會權實方便運用在  
人惟宜事理融通不可執法而成病○聞思修三慧  
戒定慧三學各要反本還源盡欲革凡成聖今人不  
了各執一邊只說教不通禪禪不通教本爲去執反  
屬偏情平等修心却生分別禪云黃花翠竹總是真  
如教云一色一香無非中道勢至菩薩因念佛故自



980 1 2 3 4 5 6 7 8 9 100 1 2 3 4 5 6 7 8

得心開智者大師誦法華經得見真法是處各存妙道豈在喧爭今要凡心與身土和融念佛與禪敎一道入門雖別到底是同休起愛憎莫分彼此各須究本勿競枝條不可執實而謗權競權而謗實也

清涼國師云

塵勞業海 結惑堅執 情盡見除 不勞收拾

夫法報應之三身寂光同居四土各要歸源咸廻一路一身三身四土一土非後非前無來無去情見有差非佛隱覆祇許心傳不通言句周徧圓融無盡無窮一真無礙重更重重帝珠莫喻梵網難同撥轉機

關八達四通不在伶俐唯假惺惺毘盧得道許汝便成永絕生死卽放光明若不擬議海晏河清

一土分四土 土土參三身 身土無有盡 情見恰如星  
如來無碍力 似月在天輪 州州皆見月 處處有光明

後頌

大道通天下 明明幾百州 州州各道路 路路合春秋  
迷後三身別 悟來一也休 這般無彼此 莫把結怨讐  
念佛提綱

本自無蹤無跡 方便與君拈出

有人問我何爲 南無阿彌陀佛

9 8 0 1 2 3 4 5 6 7 8 9 9 0 1 2 3 4 5 6 7 8 9 10 1 2 3 4 5 6 7 8

撰述

通志錄卷二

三

念佛心開

因修三昧念彌陀

忽覩彌陀心上過

始覺行行皆寶所

方知土土悉交羅

禪教相成

天台賢首慈恩教

達磨南山意不殊

法門頭數無窮盡

不離毫端絕妙麗

三身體同

三德秘藏及三身

舒卷臨機分不分

處處融通無罣礙

勿教一向作三人

三寶不異

佛法僧寶最爲真

豈異而今一點靈

舉一卽三三是一

莫教錯認定盤星

身土不二

毘盧卽是寂光土

寂光卽是大毘盧

身土本來無二相

皇城原是大京都

心佛無殊

此心卽是彌陀佛

彌陀卽是自心源

皆道蟾光有虧減

誰信從來日日圓

絕跡無相

一念圓明法界周

免向三祇着劫修

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1

撰述

若也此中明了得 一點微塵也不留

情盡宛然

毘盧海藏全無迹

寂光妙土亦無踪

劫火洞然毫末盡

青山依舊白雲中

頭頭見道

寂光金寶及泥沙

到處無心便是家

了得箇中玄妙意

優曇元是白蓮花

處處逢源

心心念念彌陀佛

頭頭處處古毘盧

微塵刹海如星布

撮在山僧一畫圖

廬山蓮宗寶鑑念佛正教卷第二

浙江嘉興府嘉善縣夢華居士錢士升發心捐  
貲刻此蓮宗寶鑑卷二計字八千言字  
該銀三兩三錢四分四厘祈升慧根長進風業  
消除過去父母超生淨界見在眷屬各長善根  
以及一切有情承脫兵荒減獲饑益  
崇禎甲申春楞嚴寺般若堂白法老人性琮識

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

## 廬山蓮宗寶鑑念佛正宗卷第三

東林禪寺蓮宗善法祖堂勸修淨業臣僧普度謹自編集

## 念佛正宗說

明敎大師曰能仁之垂敎也必以禪爲宗而佛爲祖者乃其敎之大範宗者乃其敎之大統大統不明則天下不得一其所謂大範不正則天下不得質其所證夫古今之學佛輩競以其所學相勝者蓋由宗不明祖不正而爲患然非其祖宗素不明不正也後世學者不能盡考經論而校正之乃有東敎者不知佛之微旨妙在乎言外諸禪者不諒佛之所詮槩見

撰述

卷之三

三

乎教內紛然自相是非古今何嘗稍息予嘗探大藏或經或傳校驗其所謂禪宗者佛祖之心也佛說一大藏教未嘗不以心爲宗也嗟乎衆生之根器異也又安得以一法而明之我佛平等設化於是對其病而投其藥耳且夫淨土一宗念佛之法有實有權有頓有漸皆以顯如來所證之實理廓衆生自性之本源以念佛三昧攝一切人明心見性入於佛慧或問之曰念佛其可明心見性入佛慧乎予謂之曰心爲萬法之宗操之在我則何道不成大勢至菩薩以念佛證無生忍究其因地純於念佛上用功念念無間

打成一片所以道都攝六根淨念相繼得三摩地斯爲第一益佛者心也念佛念心心心不二心既不二佛佛皆然一念貫通無前後際三際俱斷是真道場塵塵顯示刹利全彰是謂入於如來正徧知海具足如來一切種智念佛之旨大略如斯遠公祖師得是三昧而以此三昧示一百二十三人同修同證思專想寂以至究竟吾祖於是深存遠圖大援羣生且以晉地新經未來禪法甘露國所未聞實相宗本人有異說乃命弟子踰越葱嶺遠迎禪師究竟經本故明敎大師定祖圖云秦僧智嚴於罽賓國懇請跋陀羅

801 2 3 4 5 6 7 8 9

1001

1001

借來諸夏傳授禪法初至長安後至廬山遂出禪經與遠公同譯譯成遠公爲之序跋陀羅嘗謂遠公曰西土傳法祖師自大迦葉直下相承凡有二十七祖其二十六祖近世滅度名不如蜜多者所以繼世弟子曰般若多羅方在南天竺國行化以此慧燈次第相傳達磨多羅後爲二十八祖我今如其所聞而說是義遠公聞跋陀羅言故序云達磨多羅西域之雋禪訓之宗寶林傳所謂跋陀羅常與遠公言其傳法諸祖世數固驗於禪經矣故張野序遠公塔銘云心禪諸經出自廬山師每謂禪法精微非才莫授功高

易進者惟念佛一門導之以止觀專之以淨業此假修以凝神積習以移性入於如來無盡法門實由斯矣故此淨土之教至於天台智者大師乃示三觀證乎一心總綰三乘之要行普收五性之機宜直付觀行之真財悟入如來之知見故知念佛之要者由觀經爲標指也斯經以佛國淨境爲宗以觀智妙行爲趣以實相彌陀爲體以滅惡生善爲用是知無量功德共莊嚴之種種勝行而歸趣之言說問答而詮辨之譬衆星之拱北辰如萬流之朝東海也是故韋提不經地位頓證無生五逆十念稱名便登極樂卽圓

撰述

遺言錄卷三

頓教之所攝也此之念佛三昧法門權實頓漸折攝悟迷圓攝一切會歸真宗猶車之有輪如鳥之有翼入道之由可謂至矣可謂盡矣是以集夫正受之方示彼修行宗要開明心目直指根源庶使念佛進修之士明其宗而不昧其祖也若夫一句當機淨土唯心顯矣

### 定明宗體

慈恩通贊云此方先德總判經論有其四宗一立性宗二破性宗三破相宗四顯實宗涅槃華嚴法華等是顯於真實中道義故捨化城而歸寶所等故彌陀

經乃第四宗也依文判教教但有三以類准宗宗有其八一我法俱有宗二有法無我宗三法無去來宗四現通假實宗五俗妄真實宗六諸法但名宗七勝義皆空宗八應理圓實宗故華嚴及彌陀經是八宗收

### 李長者華嚴合論十種淨土權實宗體

夫滔滔智海茫茫莫究其涯森森真源蕩蕩罕尋其際遮那法界體相總括於塵沙方廣靈門淨穢互參於無極但隨現修業用見境不同致使聖境乖違依根不定或權分淨土於它國指穢境於娑婆或此處

9 8 0 1 2 3 4 5 6 7 8 9

9 0 1 2 3 4 5 6 7 8 9

爲化儀示上方爲實報文殊居東國金色世界而來觀音處西方安樂妙土而至如是權儀各別啓蒙的信無依今以略會諸門令使創修有托約申十種以定指南

第一阿彌陀佛淨土此爲一分取相凡夫未信法空實理以專憶念念想不移以專誠故其心分淨得生淨土是權未實  
第二無量壽觀經淨土此爲一分未信法空實理衆生樂妙色相者令使心想想彼色像想成就故而生佛土此權非實

第三維摩經淨土佛以足指按地加其神力暫現還無是實報土未具陳廣狹是實未廣  
第四梵網經淨土雖說一大花王而有千葉一一葉上有百億化佛教化百億四天下衆生然彼千葉及彼華王爲三乘菩薩見未廣故分示報境未成圓滿是權未實

第五摩醯首羅天淨土如來於彼坐蓮花座成等正覺以爲實報此閻浮提摩竭提國菩提場中成等正覺者是化此爲三乘權教菩薩染淨未亡者說此閻浮提及六天等是欲界有漏彼上界摩醯首羅天是

9 8 0 1 2 3 4 5 6 7 8 9

9 0 1

100 1

撰述

遺失寶鏡卷三

三

無漏故心存染淨彼此未忘此爲權教未爲實說  
第六涅槃經所指淨土如來有實報淨土在西方過  
二十二恒河沙佛土者爲三乘權教一分染淨未亡  
者言此三千大千世界總是穢土權惟如來報境淨  
土在西方此權非實

第七法華經三變淨土此爲三乘權教菩薩染淨未  
亡者言移諸天人置於他土是權非實  
第八靈山會所指淨土此引三乘中權教菩薩染淨  
未亡者令知此土卽穢卽淨諸衆信可未能自見是  
實非權

第九唯心淨土自證自心當體無心性惟真智不念  
淨穢稱真任性心無罣礙無貪無癡任大悲智安樂  
衆生是實淨土以自淨故令他亦淨是故維摩經云  
隨其心淨卽佛土淨欲得淨土當淨其心是實淨土  
第十毘盧遮那所居淨土卽居十佛刹蓮花佛國土  
淨穢總含無穢無淨無有高下彼此自他之相一  
佛土皆充法界無相障隔略言十佛塵刹國土爲知  
無盡佛國不出一塵爲無大小故不立限量故以法  
爲界不限邊際相海純雜色相重重此實淨土非是  
權收

9 8 0 1 2 3 4 5 6 7 8 9

9 0 1

2 3 4 5 6 7 8 9

9 0 1

2 3 4 5 6 7 8 9

念佛參禪求宗旨說

慈覺贊禪師云念佛不礙參禪參禪不礙念佛法雖二門理同一致上智之人凡所運爲不着二諦下智之人各立一邊故不和合多起紛爭故參禪人破念佛念佛人破參禪皆因執實謗權執權謗實二皆道果未成地獄先辦須知根器深淺各得所宜譬如營田人豈能開庫開庫人安可營田若教營田人開庫如跛足者登山若教開庫人營田似壓良人爲賤終無所合也不若營田者且自營田開庫者且自開庫各隨所好皆得如心是故念佛參禪各求宗旨溪山

雖異雲月是同可謂處處緣楊堪繫馬家門首透  
長安

淨土非鈍根權說

天台思梵講主久居臨平山解行明峻深造教觀性相淵源每與士大夫往復隨有所問答釋粲然一日有通判鄭公問曰教中所明念阿彌陀佛願生淨土此專爲鈍根方便權說上根頓悟一超直入佛地豈假他佛淨土耶師云吾宗先達呵此說云佛在世文殊普賢佛滅後馬鳴龍樹此土智者大師智覺禪師皆願往生淨土應是鈍根乎若以此爲權教將何爲

撰述

遺失錄卷三

實耶昔孫莘老亦疑於此因會楊次公王敏中辯論  
遂息此疑信此淨土非聖人之權設是圓實之真宗  
也注念彼佛必生淨土斯乃稱性實言非權教也  
真歇了禪師淨土宗要

彌陀不離衆生心是三無別極樂遍在一切處舉一  
全收如帝釋殿上千珠寶網千珠光影咸入一珠一  
珠光影徧入千珠雖珠珠互徧此珠不可爲彼珠彼  
珠不可爲此珠衆而不雜離而不分一一徧彰亦無  
方所彌陀淨土卽千珠之一十萬佛國卽一佛國各  
千珠之一聖人善巧方便示人專念阿彌陀佛乃千

珠直指一珠見一佛卽見十方諸佛亦見九界衆生  
微塵刹海十際古今一印頓圓了無餘法矣

寂室大師示淨土實見

不修淨業者云游心禪定悟性真宗或聞說淨土必  
曰淨土唯心我心旣淨則國土淨何用別求生處寂  
室曰且維摩經中云如來以足指按地見娑婆國土  
悉皆嚴淨而衆會不見惟螺髻梵王得知今之說悟  
性者能如梵王所見淨土不況汝居卑室漏室必羨  
之以大厦高堂脫粟藜羹者必羨之以珍羞上味獎  
袍短褐者必羨之以綾羅輕縠若云心淨土淨則不

9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8

撰述

通鑑

消如是分別也况當老病死苦世間違情之時顏色與未悟者同是則口唱心淨土淨之言身被穢土苦腦之縛其自欺之甚也不然應須信教仰理於淨土從而修之

大智律師示念佛事理不二

師嘗爲慈慧文法師作淨土集序其略曰古今學佛多惑事理謂理則纖塵不立言事則萬象森羅疑心住寂則爲理動用操修則爲事遂引古云實際理地不受一塵佛事門中不捨一法斯迺理事敵立空有並馳予嘗變其語曰實際理地不少一塵佛事門中

不存一法何則由實際理具一切法豈少一塵乎由佛事門離一切相豈存一法乎如此方見理事一如空有不二矣

文法師淨行序念佛宗要

夫達無心之有心識有念之無念有無不住能所胡存是則念念圓明心心虛寂苟昧斯旨則法法成疣的契其宗則門門通妙今可無乖實際而示圓修俾負重至遠者獲遂於息肩流浪迷津者速修於彼岸求生西方無先念佛觀門者也予輒爲修淨業者薄採經論大綱述成西方淨行法門示彼所修令得其

9 8 0 1 2 3 4 5 6 7 8 9

901

1001

撰述

卷三

九

卷三

趣有覩茲文而復不能起信修行者煩乎狂熱投闇  
唯露一髮欲垂拯救未如之何

### 廬山蓮宗寶鑑念佛正宗卷第三

音釋

雋祖竟切

浙江嘉興府嘉善縣夢華居士錢士升發心捐  
費刻此蓮宗寶鑑卷三計字三千二百四十  
該銀一兩二錢九分六專祈升慧根長進夙業  
消除過去父母超生淨界見在眷屬各長善根  
以及一切有情承脫兵荒歲獲饑益

崇禎甲申夏楞嚴寺般若堂白法老人性琮識

### 廬山蓮宗寶鑑念佛正宗卷第四

二十章

念佛正派說

佛由心造道在人弘弘道之要無先乎念佛念佛則  
是正心正心故能合道道之宗極曰佛也佛者覺也  
一切衆生有此本覺之性因一念有差所以不覺裴  
相國云終日圓覺而未嘗圓覺者衆生也具足圓覺  
而住持圓覺者如來也是故薄伽梵成道摩竭陀說  
有談空觀根逗教於諸法之外別開念佛一門截衆  
苦之根源入聖流之要路故經云從是西方過十萬  
億佛土有世界名曰極樂其土有佛號阿彌陀國中

9 8 0 1 2 3 4 5 6 7 8 9

10 1

10 1

撰述

通志卷四

卷四

無三毒八難有七寶衆妙莊嚴以法爲身羣聖爲友  
苟能誠信發願歸心彼土者卽得往生出乎三界九  
有之表證諸佛無上妙道其言無所欺也粵自大教  
東流至佛圖澄而盛由澄而得道安安之門有遠公  
戒珠義海龍姿鳳章於是教門綱紀從茲大備師著  
念佛三昧詠親勸於時晉賢慕師之德爭趨正覺之  
場同究斯道名動帝王道遵一代彌天推爲高弟羅  
什結爲勝友識量廣大獨出於古今矣至夫抗言爲  
道爲萬世宗師垂裕於人天者遠公也隋有智者魏  
有曇鸞唐有善導大振宗風宋有坦公疏詮甘露省

常結社慈覺勸修壽禪師融萬善以同歸元宗主撮  
諸經而成懶廣施方便曲盡慈悲故我祖師欲令大  
地衆生見本性彌陀達唯心淨土普皆覺悟菩提之  
妙道乃立普覺妙道四字爲定名之宗觀夫四字一  
鏡洞照無邊同一體用何以知其然總而言之喻如  
人之一身而有頭目手足爲其用也未嘗有一而可  
分也自非願廣悲深而孰能取信於天下後世哉竊  
嘗論之曰等衆生界名曰普智達斯理名曰覺德用  
無邊名曰妙千聖履踐名曰道又普者卽自心周徧  
十方之體也覺者卽自心智照不迷之用也妙者卽

9 8 0 1 2 3 4 5 6 7 8 9

100

自心利物應機之行也道者卽自心通達中正之理也恒沙諸佛所證者此道也歷代祖師所得者此道也十方生淨土者已學此道也未來修行者當學此道也又况諸佛菩薩示現世間作大導師各有悲願不捨衆生或爲王臣將相居士宰官出俗在家逆行順化莫不以斯道而覺斯民也三界羣生輪轉飄末至於今日往來六道如蟻璇磨無有出期大覺垂慈故設方便以誘導之俾夫趣吾之所趣吾之所趣者非六道非三乘乃如來正覺之趣得吾所趣之道者亦以此道化乎未趣趣此所趣譬如一燈燃百千燈

續燄分輝騰今耀古此念佛之宗正心之法正夫羣生歸夫正道者矣彼彼相傳於無盡故名無盡燈也普覺妙道之說豈徒言哉蓋謂人人皆可作佛不以僧俗之間不以利鈍之分無彼此無高下等一性而已得之爲悟失之爲迷同一理而已迷而爲凡悟而爲聖迷者事隔理不隔也失者自失性不失也是知修念佛三昧者則是正其心也此心正則性順理也得性順理則六塵不能染萬境不能移動用於一虛之中寂寥於萬化之城不動本處而周遊十方超乎極樂之地升乎寂光之堂居乎涅槃山頂朝乎無上

9 8 0 1 2 3 4 5 6 7 8 9

9 0 1

2 3 4 5 6 7 8 9

1 0 0 1

法王普覺妙道正心之義其至矣乎不知此義者功何所施智何所發譬彼無目之人昧於日月之光履於重險之處墮坑落塹可勝紀乎噫去聖時遙人多謬解雖其正道悉陷邪宗庸昏之徒含識而已致使羣邪詭惑諸黨並熾是非蜂起空有云々夾截虛空互相排毀有着於事相不肯捨者有順於應緣不自覺者有守枯木而言定者有恃聰明而稱慧者有奔走非道而言能者有假於鬼神而言通者有身心放曠而言無礙者有口耳潛傳而言秘訣者有執我宗普字覺字者有言彼宗妙字道字者是皆私偷此鏡

入彼邪域致爲塵垢蔽蒙不明宗體雖得此鏡之名而不得其用也殊不知慈照立此四字深有意焉昧者不知執之失度况又有言在家爲彌陀教出家爲釋迦教者自尊爲祖執法爲宗存彼此之執心觸途成滯局偏邪之劣解是已非他使我曹爲佛祖後裔而不能破其執遣其惑則何以揭慧日於昏衢哉痛心佛祖慧命懸危甚於割身肉也念報佛祖深恩寢食不遑安處也念諸方佛子錯路修行不啻倒懸也雖未能盡古人之萬一然此心不欺也予嘗切切於是謹按高僧傳記遍求前哲真踪究其源摘其實理

801 2 3 4 5 6 7 8 9 10 1 2 3 4 5 6 7 8 9 10 1

撰述

道家書錄卷四

四

素四

之所當事之所存者集而出焉虧者補之冗者削之  
隱者明之斷者引之庶千載之下修淨業者因言思  
道飲水知源識古聖之遺風體先宗之標格紹隆佛  
種光闡微猷壽慧命於無窮傳真燈而有永前不云  
四字一鏡洞照無邊乎體斯道者慎勿忽諸

遠祖師事實

師諱慧遠雁門樓煩人今河東代州姓賈氏生於石  
趙延熙甲午歲爲晉成帝咸和九年師十二歲從舅  
氏令狐遊學許洛博通六經尤通周易莊老之書二  
十一歲欲渡江與范宣子俱隱值中原兵戈塞路聞  
道安法師居太行山遂與弟慧持俱投之聽講般若  
經豁然大悟嘆曰儒道九流皆糠粃耳與弟投簪落  
髮常以大法爲已任安嘆曰使道流中國其在遠乎  
孝武帝太元九年至廬山以杖卓地曰有泉當住忽  
泉迸出乃誅茅爲菴講涅槃經感得山神獻靈資助  
材木雷雨闢地江州太守驚其神異奏立東林寺名  
其殿曰神運太元十一年寺成師以東南經律未備  
禪法無聞乃於寺內別置禪室請一禪師率衆習禪  
令弟子逾越沙漠求禪經庶江表四輩咸皆得以修  
習願使大乘之化自北而南每謂禪法深微非才莫

撰述

授入道要門功高易進者念佛爲先師徒衆往來三千真信之士一百二十三人乃與劉遺民等十八賢爲上首於無量壽佛像前建齋立誓同修西方淨土結白蓮社遺民著發願文師自製念佛三昧敘謝靈運恃才傲物一見師肅然心服鑿池種蓮求入社師以心雜止之山多蛇有行者不知何許人嘗侍於師善驅蛇至今號辟蛇聖者師所居流泉市寺下入虎溪每送客以溪爲界時陶淵明陸修靜師嘗送之語道契合不覺過溪相與大笑後世因傳三笑圖焉時羅什法師通書稱師爲東方護法菩薩外國衆僧咸

稱漢地有大乘道士每燒香禮拜東向稽首獻心廬嶽姚主欽承道德信向連接晉安帝隆安元年桓玄勸帝沙汰僧尼謂廬山爲道德所居不在搜簡師以書抵玄得並免元興元年玄又申庾冰之議欲沙門盡敬王者復以書辯論其事遂免安帝自江陵旋京輔國何無忌勸師候迎稱疾不起帝遣使勞問師表以聞帝優詔答之義熙乙卯十一月初一日師入定至十七日出定見阿彌陀佛紫磨黃金身徧滿空界龍舒淨土文載遠公三觀聖相沉厚不言師三十年影不出山跡不入俗丙辰八月初一日示疾至六日

801 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

撰述

道場金石錄

困篤大德耆舊請飲或酒不許又請以蜜水乃命律師檢藏未見而集諸徒遺戒曰吾自知命之年托業此山自審有畢盡之期乃絕跡外緣以求其志不覺形與運頽已八十三矣時至欲厝骨于松林之下卽嶺爲墳與土木同狀此古人之禮汝等勿違苟使神理不昧庶達其誠大哀世尊亦當祐之以道言訖而逝門人與潯陽太守及官屬奉全軀葬于西嶺巒石而塔焉安帝謚廬山尊者鴻臚大卿白蓮社主凝寂之塔謝靈運立碑以銘其德張野序之有匡山集十卷行于世

遠祖師歷朝諡號

晉安帝義熙年謚廬山尊者鴻臚大卿白蓮社主  
唐大中戊辰年謚辯覺大師

南唐昇元三年謚正覺大師

宋太平興國三年謚圓悟大師

宋乾道二年謚等徧正覺圓悟大法師

明教大師題遠祖師影堂記

遠公事蹟學者雖見而解能盡之使世不昭昭見先賢之德亦後學之過也予讀高僧傳蓮社錄及九江新舊錄取愛遠公六事謂可以勸乃引而釋之列之

801 2 3 4 5 6 7 8 9

1001

1001

其影堂以示來者陸修靜異教學者而送過虎溪是不以人而棄言也陶淵明耽酒于酒而與之交者益簡小節而取其達也跋陀高僧以顯異被攢而延且譽之益重有識而矯嫉賢也謝靈運以心雜不取而果殂于刑益識其器而慎其終也盧循欲叛而執手求舊蓋自信道也桓玄震威而抗對不屈蓋有大節也大凡古今人情莫不畏威而苟免忘義而避疑好名而昧實黨勢而忍孤飾行而畏累自是而非人孰有道尊一代爲賢者師肯以片言而從人乎孰有宿稟勝德爲行耿潔肯交醉鄉而高其達乎孰有屈人

師之尊禮斥逐之客而伸其賢乎孰有拒盛名之士不與於教而克全終乎孰有義不避禍敦睦故舊而信道乎孰有臨將帥之威在殺罰暴虐之際守道不撓而存其節乎此故遠公識量廣大獨出於古今若夫荷負至教廣大聖道垂裕於天人非蒙乃能盡之其聖歟賢耶偉乎大塊噫氣六合風清遠公之名聞也四海秋色神山中聳遠公之清高也人龍僧鳳長揖巢許遠公之風軌也白雲丹壑玉樹瑤草遠公之棲處也蒙後公而生雖慕且恨也瞻其遺像稽首作禮願以弊文書于屋壁

# 廬山十八大賢名氏

遠公祖師

諱慧遠姓賈氏雁門樓煩人

永法師

諱慧永姓繁河內人

持法師

諱慧持遠公弟也與兄俱事道安法師

生法師

諱道生出魏氏鉅野人客居彭城世衣冠

佛陀耶舍尊者

此云覺明罽賓國婆羅門種

佛陀跋陀羅尊者

此云覺賢甘露飯王之裔

叡法師

諱慧叡冀州人

順法師

諱曇順黃龍人

敬法師

諱敬琨瑤王氏隨祖疑之守江州

恒法師

諱曇恒河東人童子出家不知姓氏

昺法師

諱道昺潁川陳氏

詵法師

諱曇詵廣陵人不知姓氏

劉遺民

諱程之字仲思彭城聚里人漢楚元王之後

散騎常侍雷公

諱次宗字仲倫南昌人

太子舍人宗公

諱炳字少文南陽人

治中張公

諱野字萊民

散騎常侍張公

諱詮字秀顧萊民族也

通隱處士周公

諱續之字道祖雁門廣武人

貫休禪師題十八賢影堂詩

801 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

撰述

白蘿池邊舊影堂劉雷風骨盡龍章共輕天子諸侯  
貴惟愛吾師一法長陶令醉多招不得謝公心亂入  
無方何人到此思高躅風點苔痕過短牆

辯遠祖成道事

禮記曰先祖無美而稱之者是誣也有善而弗知者  
是不明也知而不傳者是不仁也此三者君子之所  
恥也噫在吾學佛之徒豈不然耶吾祖遠公行位昭  
昭功德廣大愚忝與其教爲未流之裔不肖孤陋學  
淺才疎未能紹襲先宗實乃有孤慈廕嘗讀明教記  
不亦甚慙乎又嘗觀石室琇禪師通論云去孔子百  
年而有孟軻是時孔子之道幾衰焉軻於是力行其  
道而振起之伏自佛教東流凡三百年而有遠公是  
時沙門寔盛然未有特立獨行憲章懿範爲天下宗  
師如遠公者佛道由之始振蓋嘗謂遠公有大功於  
釋氏猶孔門之孟子焉與高僧朝士同修淨社道動  
帝王法流天下後之所習念佛者不知吾祖之本末  
失其源流多見世之薄福闡提輩僞撰廬山成道記  
裝飾虛辭盡是無根之語詭惑善信遍傳在人耳目  
逮今不能改革予乃參考大藏弘明集高僧傳察其  
詳要略舉七事以破羣惑識者鑒之遠公禮太行山

801 2 3 4 5 6 7 8 9 101 2 3 4 5 6 7 8 9 1001

撰述

這事記

道安法師出家妄傳師梅檀尊者一誑也妄以道安爲遠公孫者二誑也遠公三十年影不出山足不入俗妄謂白莊刲膾者三誑也晉帝三召遠公稱疾不赴妄謂賣身與崔相公爲奴者四誑也道安臂有肉鉗妄爲遠公者五誑也臨終遺命露骸松下全身在西嶺見在疑寂塔可證妄謂遠公乘彩船升兜率者六誑也道生法師虎丘講經指石爲誓石乃點頭妄謂遠公者七誑也悲夫世之姦佞不知祖師實德道聽途說妄裝點許多不遜之事播醜於後世取笑於四方謗瀆聖德識者見之不察其所由得不輕侮於

吾祖師耶豈非出佛身血五逆罪乎嘗觀宋元嘉中僧才觀惠嚴謝靈運翻涅槃經增損其辭因夢神人訶之曰敢以凡情輕瀆聖典觀等懼而止又惠琳以才學幸帝時號黑衣宰相自著白黑論毀佛教卽感惡疾膚肉糜爛而死夫如是則妄造祖師傳記三途地獄可不懼乎凡吾同志羣審遠公實跡從本至末痛告諸方光揚祖道庶先聖之屈於斯雪矣

### 壁谷釋曇鸞大師

曇鸞大師少遊五臺識其靈異遂乃出俗三乘頓漸具開定慧嘗稱疾行至汾州俄見雲陰陡盡天門洞

980 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

提述

開六欲階位上下重複鸞方瞬目疾乃隨愈鸞於是  
 切用心佛道常如不及開蒙誘俗無間遠邇初鸞好  
 爲術學聞陶隱居得長生法涉遠就之陶以仙經十  
 卷授鸞鸞躍然自得以爲神仙之術其必然也後還  
 洛下遇菩提留支意頗得之間支曰佛道有長生乎  
 其能却老爲不死乎支笑而對曰長生不死吾佛道  
 也卽以觀無量壽經授之曰汝可誦此則三界無復  
 生六道無復往盈虛消息吉凶成敗無得而生其爲  
 壽也有劫石焉有河沙焉沙石之數有極壽量之數  
 無期此吾金仙氏長生也鸞承其語驟起深信遂焚

所學仙經而專觀經焉每於觀經得其義理修三福  
 業想像九品雖云寒暑之變疾病之來不懈于始念  
 魏主憐其志尙又嘉其自行化他道業弘廣號爲神  
 鸞勑住并州大嚴寺未幾移住汾州玄中寺一夕鸞  
 正持誦一梵僧軒昂而來入其室曰吾龍樹也所居  
 淨土以汝有淨土之心故來見汝鸞曰何以教我樹  
 曰已去不可及未來未可追現在今何在白駒難與  
 回言訖而失鸞以所見勝異必知死生之期屆矣卽  
 集弟子數百人盛陳教誠言其四生役役其止無日  
 地獄諸苦不可以不懼九品淨業不可以不修因令

9 8 0 1 2 3 4 5 6 7 8 9 1 0 1 2 3 4 5 6 7 8 9 1 0 1 2 3 4 5 6 7 8 9 1 0 1

撰述

通鑑卷四

弟子齊聲高唱阿彌陀佛鸞乃西向瞑目頓頸而示滅是時道俗同聞管絃絲竹之聲由西而來良久乃寂

天台智者大師

師諱智顥字德安姓陳氏潁川人母徐氏夢香煙五彩繞身有孕誕生之日神光煥室目有重瞳眉分八彩孩幼見像卽禮逢僧必拜十八歲投湘州果願寺出家誦法華經兼通律藏性樂習禪遂往大蘇山禮慧思禪師北面事焉思師一見乃曰昔日靈山同聽法華宿緣所追今復來矣因授與法華三昧三七日

誦經至於藥王本事品是真精進是名真法供養至此句時身心豁然寂而入定照了法華若曠和臨於萬象達諸法相如清風遊於太虛將證白師師曰非汝不證非吾莫識汝所證者是法華三昧前方便得旋陀羅尼汝於說法人中最爲第一後弘法鄴都屈伏時匠晚入天台降魔進行化緣旣息於新昌大石像前示疾告滅弟子請問生方乃曰吾諸師友皆從觀音而來迎我及夜侍人見有佛至倍大石像臨終說諸法門令唱無量壽經及觀經題目乃顧大衆合掌讚曰四十八願莊嚴淨土華池寶樹易往無人火

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

車相現一念改悔尚得往生况戒定熏修聖行道力  
實不唐捐言訖稱三寶名奄然而滅後有僧求知生  
處乃夢觀音金容數丈智者從後而語僧曰汝疑決  
不再驗智者生西方矣

### 京師善導和尚

釋善導唐貞觀中周遊寰宇求訪道津見西河綽禪  
師行方等餓及淨土九品道場講觀經導大喜曰此  
真入佛之津要修餘行業迂僻難成唯此觀門速超  
生死吾得之矣於是篤勤精苦若抹頭然續至京師  
擊發四部弟子無問貴賤俾屠沽輩亦激悟焉導每

入佛室合掌胡跪一心念佛非力竭不休乃至寒冷  
亦須流汙此相狀表於至誠出卽爲人說淨土法化  
諸道俗令發道心修淨土行無有暫時不爲利益二  
十餘年無別寢處不暫睡眠除洗浴外未嘗脫衣服  
舟行道禮佛方等專爲已任護戒持品纖毫不犯未  
嘗舉目視女人絕意名利遠諸戲笑所行之處淨身  
供養飲食衣服四事饒益皆不自享並將廻施好食  
送大廚供養徒衆唯食麩惡以自支身乳酪醍醐皆  
不飲噉諸有噦施將寫阿彌陀經十萬餘卷所畫淨  
土變相三百餘壁所至見壞伽藍及故磚塔寺皆悉

9 80 1 2 3 4 5 6 7 8 9

90 1

100 1

撰述

營造燃燈續明歲不絕三衣瓶鉢不使人持洗始終無改化諸有緣每自獨行不共衆去恐與人行談論世事妨修行業其有暫申禮謁聞說少法或得同預道場親承教訓或曾不見聞披尋教義或展轉授淨土法門者京華諸州僧尼士女至有投身高嶺或委命深泉或自墮高枝焚身供養略聞遠近百餘人諸修梵行棄捨妻子誦阿彌陀經十萬至三十萬徧者念阿彌陀佛日得一萬五千至十萬徧者及得念佛三昧往生淨土者不可知數或問導曰念佛之善生淨土耶對曰如汝所念遂汝所願於是導乃自念阿

彌陀佛如是一聲則有一道光明從其口出十聲至千百聲光亦如之導謂人曰此身可厭諸苦逼迫情僞變易無暫休息乃登所居寺前柳樹西向願曰願佛威神驟以接我觀音勢至亦來助我令我此心不失正念不起驚怖不於彌陀法中少生退墮願畢於其樹上端身立化時京師士大夫傾誠歸信咸收其骨以葬高宗皇帝知其念佛口出光明又知捨報之時精至如此賜寺額爲光明焉天竺式懺主略傳云阿彌陀佛化身自至長安聞涯水聲和尚乃曰可教念佛遂立五會教廣行勸化人有至信者見和尚念

支那

真言寶鑑卷四

左

9 80 1 2 3 4 5 6 7 8 9

90 1

100 1

撰述

卷之四

佛佛從口出三年後滿長安城內皆受化念佛事見別傳後有法照大師卽善導後身也德宗時於并州行五會教化人念佛帝於長安常聞東北方有念佛聲遣使尋覓至大康果見照師勸人念佛遂迎入內用劉球繩牀教宮人五會念佛事彰本傳矣

金臺法照大師

尚懷隕穫他日食時復於鉢中見五色雲雲現數寺無有山林穢惡純金色界池臺樓觀衆寶間錯萬菩薩衆而處其中中有諸佛巖淨國土種種勝相照欣所見因訪問之有嘉延曇二僧曰聖神變化不可以凡情測若論山川面勢乃五臺爾四年夏照於衡州湖東寺啓五會念佛道場其年六月二日五色祥雲彌覆其寺雲中亦有樓閣閣上有數梵僧身可丈餘執錫行道又見阿彌陀佛與二菩薩其身高大等虛空界日旣暮矣照於道場之外遇老人曰汝先發願於金色界禮觀大聖今何輒止照曰時艱路難不

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

止如何老人曰但能亟去則去之何其艱也照未暇  
對老人失焉照以所見勝異重發願曰願以此身奉  
觀大聖雖復火聚水河終無退惰其年八月十三日  
與同志數人由南嶽前去果無艱險五年四月五日  
至五臺縣遙見寺南有數道光六日達佛光寺一如  
鉢中所見略無差脫是夜四更復有異光北來射照  
照不知所裁乃問曰此何祥也吉凶焉在僧云此大  
聖不思議光照汝身心何乃問也照聞之卽具威儀  
前詣一寺寺之東北可五里果有山山有澗澗北有  
石門門旁有二童子一稱善財一稱難陀引照入門

北行幾五里見一金門門上有樓其樓之側復有一  
寺寺門有大金榜題曰大聖竹林寺寺之方圓可二  
十里一百餘院院院皆有寶塔黃金爲地華臺玉樹  
充滿其中照入寺之講堂見文殊在西普賢在東皆  
距師子高座照於二菩薩前作禮問曰末代凡夫智  
識淺劣佛性心地無由顯現未審修行於何法門最  
爲其要惟願大聖斷我疑網文殊曰汝所請問今正  
是時諸修得門無如念佛我於過去劫中因念佛故  
得於一切種皆是故一切諸法般若波羅蜜多甚深  
禪定乃至諸佛正徧知海皆從念佛而生照曰當云

801 2 3 4 5 6 7 8 9 901 2 3 4 5 6 7 8 9 1001 2 3 4 5 6 7 8 9

何念文殊曰此世界西有阿彌陀佛彼佛願力不可思議汝當繼念令無間斷命終之後決定往生說是語時二大菩薩舒金色臂以摩照頂與授記曰汝以念佛不思議故畢竟證無上覺若善男女願疾出離應當念佛時二菩薩互說伽陀照得聞曰益加踊躍文殊又曰汝可往詣諸菩薩院巡禮以承教授照如其言歷請教授次至七寶華園從其園出於大聖前作禮辭退且見向者善財難院二童子送至門外照復作禮舉頭俱失至十三日照與五十餘僧往金剛窟無著見大聖處忽見其地廣博嚴淨琉璃衆寶以成宮殿文殊普賢可萬菩薩佛陀波利亦在其中照得見已隨衆歸寺其夜三更於華嚴院之西樓又見寺東岩壑之畔有五枝燈大方尺餘照曰願分百燈以歸一面燈分如願重願分爲千炬炬亦如之行行相當光光相涉光中殊異徧於山野照又前詣金剛窟願見大聖殆其二更見一梵僧自稱佛陀波利引之入寺至十二月朔日於華嚴院入念佛道場中載念文殊普賢二菩薩謂我畢竟證無上覺又復記我念阿彌陀佛決定往生於是一念佛正念佛時倏見前來梵僧入道場云汝之淨土華臺現矣後三年

9 8 0 1 2 3 4 5 6 7 8 9 10 1 2 3 4 5 6 7 8 9 10 1

撰述

華開汝當往矣然汝所見竹林諸寺何爲不使羣生共知照聞之憶念昔時所見因得命匠刻石兼於所見竹林寺處特建一寺號竹林焉寺之云畢照曰吾事畢矣吾豈久滯於此不累日而卒焉

### 睦州少康法師

師縉雲仙都人母羅氏游鼎湖峯得玉女捧青蓮華授之且曰此華吉祥授之於汝當生貴子及生康日青光滿室香似芙蓉年十有五誦法華楞嚴等經五部尋往越學究毗尼及聽華嚴瑜珈諸論貞元初至洛下白馬寺見殿內文字累放光明康不能測卽探而取之乃善導昔爲西方化導文也康曰若於淨土有緣當使此文光明再發此願未已果重閃爍康曰劫石可移而我之願未易也遂之長安善導影堂大陳薦獻條見善導現於空中謂康曰汝依吾教利樂有情則汝之功當生安養康聞如有所證南適江陵果願寺路逢一僧曰汝欲化人念佛當往新定言訖而隱洎到睦州人未從化康乃乞錢誘引小兒曰能念阿彌陀佛一聲與汝一錢小兒務得其錢念佛者衆師曰念佛十聲乃與一錢如是一年大小貴賤凡見康者則曰阿彌陀佛於是念佛之人盈溢道路貞

801 2 3 4 5 6 7 8 9 901 2 3 4 5 6 7 8 9 1001 2 3 4 5 6 7 8 9

元十年康於烏龍山建淨土道場築壇三級聚人午夜行道入道場時康自陞座令男女弟子面西高聲念阿彌陀佛衆見師念佛一聲佛從口出連念十聲若聯珠狀康曰汝等見佛不如見佛者決生淨土其禮佛人亦有不見佛者貞元二十一年十月三日囑累道俗當於安養起增進心於閻浮提生厭離想此時見佛真我弟子言訖放異光數道奄然而逝塔於臺子岩天台德韶禪師重新之後之人多指其塔爲善導焉

### 省常大師

師諱省常字造微顏氏子錢塘人十七歲出家受具戒行謹嚴通大乘起信習天台止觀法門續廬山遠公遺風宋淳化中住杭州西湖昭慶寺專修淨業結淨行社相國向公王文正公且爲社首士大夫預會皆投詩頌自稱淨行弟子師乃自刺指血和墨書華嚴經淨行品每書一字三拜三圍達三稱佛名刊板印成千卷分施千人又以栴檀香雕造毗盧遮那佛像成而跪地合掌發誓願云我與一千大眾八十比丘始從今日發菩提心窮未來際行菩薩行願盡此報身以生安養國翰林承旨宋白撰碑翰林學士蘇

801 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8

易簡作淨行品序狀元孫何題社客於碑陰孤山圓  
法師作師行業記中引蘇公序曰予當布髮以承其  
足剝身以請其法猶無嗔恨况陋文淺學而有恪惜  
哉宋公碑曰師慕遠公啓廬山之淨社易蓮華爲淨  
行之名遠公當衰季之時所結者半隱淪之士上人  
屬昇平之世所交者多有德之賢方前則名士且多  
垂裕則津梁曷已因二公之言想當時之盛亦可槩  
見矣天禧四年正月十二日示寂壽六十一

長蘆慈覺禪師

師諱宗曠號慈覺襄陽人也父早亡母陳氏鞠養於

舅氏少習儒業志節高邁學問宏博二十九歲禮真  
州長蘆秀禪師出家叅通玄理明悟如來正法眼藏  
元祐中住長蘆寺迎母於方丈東室勸母剪髮甘旨  
之外勉進持念阿彌陀佛日以勤志始終七載母臨  
終際果念佛無疾吉祥而逝師自謂報親之心盡矣  
乃製勸孝文列一百二十位撰葦江集坐禪箴以遵  
廬山之規建蓮華勝會普勸僧俗同修念佛導以觀  
想其次立法預會日念阿彌陀佛自百聲至千聲千  
聲至萬聲回向發願期生淨土各於日下以十字計  
之以辦功課師一夕夢一人烏巾白衣風貌清美可

〔撰述〕

三十許揖謂師曰欲入蓮華會告書一名師乃取會錄問曰何姓名答曰普慧書已白衣又云家兄亦告上一名師曰令兄何名答曰普賢言訖遂隱師覺已謂諸耆宿曰華嚴經離世間品有普賢普慧二菩薩助揚佛法吾今建會共期西方感二大士幽贊乃以二大士爲會首云於是遠近皆嚮化焉

永明壽禪師

師名延壽字冲玄號抱一子丹陽人父王氏生而早異父母有諍卽從高榻奮身于地二親息諍長爲儒十六歲獻吳越王齊天賦衆推間世之才欲出家父囊劫採樵爲虎所逼上樹失聲念南無佛有此微善遇佛得度獲羅漢果師念世間業繫衆生不能解脫惟念佛可以誘化乃印彌陀塔四十萬本勸人禮念佛一日懺堂達旋次忽普賢像前蓮華在手因思宿願進退未決遂作二紙闡一曰一心禪定一曰萬善生淨土中夜冥心自期曰於此二途功行成者須七度拈起並得萬善生淨土闡一無間隔於是每日誦經

換述

道宗集卷四

禮佛念佛說戒施食放生日行利益事一百八件未  
嘗暫怠越王朔淨慈寺命住持賜智覺禪師號會三  
宗師德製宗鏡錄一百卷萬善同歸集神棲安養賦  
等九十七卷並行于世師志誠殷重專以念佛勸人  
同生淨土世稱宗門之標準淨業之白眉臨終預知  
時至殊勝甚多茶毗舍利鱗砌于身嘗有僧死于冥  
見閣王殿左供養畫僧一幘禮拜勤致云是永明壽  
禪師此人生西方上品故禮敬之

## 天竺慈雲懺主

師諱遵式字知白姓葉台州臨海縣人也號慈雲懺

主其母乞靈於古觀音遂生法師初往東掖山師義  
全十八祝髮先於禪林寺習律繼入國清普賢像前  
燃指誓習台教學高行苦名冠二浙博習教觀專志  
安養嘗要期般舟三昧九十日素苦學嘔血處道場  
兩足皮裂所以死自誓忽一日恍若夢寐見白衣觀  
音垂手指口中引出數蟲又指間出甘露注其口身  
心清涼自此宿疾頓愈出懺頂相高寸餘雙手下垂  
過膝聲如鳴鐘皆與舊異衆皆歎仰之師建下天竺  
寺數百間三經歲難每爇而火自滅乃願力堅固所  
致師當化之日山中人見大星煩於靈鷲峯度弟子

9 8 7 6 5 4 3 2 1

9 8 7 6 5 4 3 2 1

9 8 7 6 5 4 3 2 1

檢述

通宗寶鑑卷四

百人學徒千數臨終卽炷香瞻像而祝之曰十方諸佛同住實際願住此實際受我一炷之香諸佛證明往生安養或問其所歸者以淨土寂光對之至其夕坐終當天聖年間也壽六十九臘五十著往生淨土決疑行願二門及淨土懺法金光明觀音諸本懺儀行於世天台風教益盛於吳越者實資夫天竺慈雲之德也觀決疑行願二門經曰十方諦求更無餘乘唯一佛乘斯之謂歟懺主悟本性之常寂光履唯心之佛土淨自利利他事理無礙著述數百篇每發言皆以淨土爲歸向之宗大闡諸經教理普化一切自

懺文傳流于世往生淨土者不知其幾千萬人繼天台之道贊淨土之化世未有也

文潞公傳

公姓文諱彥博守洛陽嘗致齋往龍安寺瞻禮聖像忽見像壞墮地略不加敬但瞻眎而出旁有僧曰何不作禮公曰像旣壞吾將何禮僧曰先德道譬如官路土人掘以爲像智者知路土凡人謂像生後時官欲行還將像填路像本不生滅路亦無新故公聞之有省由是慕道甚力專念阿彌陀佛期生淨土晨昏夜坐未嘗少廢每發願曰願我常精進勤修一切善

9 8 0 1 2 3 4 5 6 7 8 9

9 0 1

1 2 3 4 5 6 7 8 9

1 0 0 1

機述

通鑑錄卷四

三五

願我了心宗廣度諸含識每見一切人則勸以念佛  
誓結十萬人緣同生淨土如如居士有頌贊曰知公  
膽氣大如天願結西方十萬緣不爲一身求活計大  
家齊上渡頭船

潞府宗坦疏主

師俗姓申氏本貫潞州黎城人也自幼年於本州延  
祥院出家禮僧道恭爲師年十六落髮授具少通義  
學爲時所稱長而徧訪名師廣弘知見自爾講林德  
譽垂五十年以大藏爲遊息以圓頓作門庭先講圓  
覺等經後集圓覺十六觀經等疏老年多於唐鄧汝

穎之間講淨土觀經兼勸人念佛求生安養是時聽  
者如雲皆稟淨業後於唐州青臺鎮誓求安養念佛  
觀想以爲常住三業四儀未嘗暫忘大宋政和四年  
四月二十七日忽於夢中見彌陀化佛告曰汝說法  
只有六日在後當生淨土也師覺白衆曰吾修求安  
養似得因緣相應適來化佛告我得生淨土敢不信  
乎次日雖覺不豫講唱不輟於當年五月初四日丑  
時自知時至乃鳴鐘集衆告曰因緣聚散固當有時  
淨土勝緣唯憑時刻幸望大衆念佛助往又告曰享  
年七十六四大分離處淨土禮彌陀永超三界苦言

9 80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

機述

道宗錄卷四

訖坐滅滿空雷鳴白雲覆地從西而來三日方歇師先有瑪瑙念珠一串臨終槃於指上衆人竟不能取感應事繁如別處說

慈照宗主

師諱子元號萬事休平江崑山茅氏子母柴氏夜夢佛一尊入門次旦遂生因名佛來父母早亡投本州延祥寺志通出家習誦法華經十九歲落髮習止觀禪法一日正定中聞鴉聲悟道乃有頌曰二十餘年紙上尋尋來尋去轉沉吟忽然聽得慈鴉叫始信從前錯用心於是利他心切發廣度願乃慕廬山遠公

蓮社遺風勸人皈依三寶受持五戒一不殺二不盜三不婬四不妄五不酒念阿彌陀佛五聲以證五戒普結淨緣欲令世人淨五根得五力出五濁也乃撮集大藏要言編成蓮宗晨朝懺儀代爲法界衆生禮佛懺悔祈生安養後往澱山湖剏立蓮宗懺堂同修淨業述圓融四土三觀選佛圖開示蓮宗眼目四十六歲障臨江州逆順境中未嘗動念隨方勸化卽成頌文目曰西行集乾道二年壽聖高宗詔至德壽殿演說淨土法門特賜勸修淨業蓮宗尊師慈照宗主就錢塘西湖昭慶寺祝聖謝恩佛事畢回平江嘗發

9 8 0 1 2 3 4 5 6 7 8 9

1

2

3

4

5

6

7

8

9

10

1

2

3

4

5

6

7

8

9

10

1

2

3

4

5

6

7

8

9

概述

道家金言

卷四

普言願大地人普覺妙道每以四字爲定名之宗示  
導教人專念彌陀同生淨土從此宗風大振師集彌  
陀節要法華百心證道歌風月集行於世三月二十  
三日於鐸城倪普建宅告諸徒曰吾化緣已畢時當  
行矣言訖合掌辭衆奄然示寂二十七日荼毗舍利  
無數塔於松江力及市五港吾覺昌宅勅謚最勝之  
塔

宋朝無爲子楊提刑

崇佛法明悟禪宗江西臨濟下棒喝之輩猶謂常流  
復闡揚彌陀教觀接誘方來括其所談乃謂衆生根  
有利鉅其近而易知簡而易行者唯西方淨土也但  
能一心觀念總攝散心仗彌陀願力直超安養更無  
他趣決取成功矣龍樹所謂易行之道依他力故也  
公作天台十疑論序王古直指淨土決疑集序法寶  
僧監彌陀寶閣記安樂國三十讚備陳西方要津誠  
爲萬世往生龜鑑矣公有輔導集專記佛乘東坡作  
序其略曰無爲子宿稟靈機徧悉知識凡所謂具燦  
羅眼者次公目擊而道存焉公晚年作監司郡守乃

801 2 3 4 5 6 7 8 9

10

10

畫丈六彌陀尊像隨行觀念至壽終時感佛來迎端坐而化辭世頌曰生亦無可戀死亦無可捨太虛空中之乎者也將錯就錯西方極樂宣和中有荆王夫人神遊淨土見公坐蓮華上則往生必矣然則本朝士大夫洪贊淨方入正定聚者唯公洎王敏仲侍郎二人而已豈非天欲久其道世必生其人者歟

龍舒居士王虛中

國學進士王日休字虛中君自行之智化他之悲已見張于湖序文茲不再述公龍舒人有淨土文因以爲號其文盛行天下修淨業者莫不覽之乾道中廬

陵李彥弼染時疾垂革棺槨已備忽夢一人神清貌古以手按摩肢體弼驚問答曰予龍舒居士也弼因以疾告公曰汝起食白粥卽差矣又曰汝遠記闡仲稚教汝捷徑不弼曰每日念佛不輟弼覺因索白粥食之病果愈後見公畫像儼如夢睹弼敬重公稱生死骨肉遂遣子姪遠從其學一日忽廻曰居士於某夜講書罷如常禮念至三鼓忽厲聲稱阿彌陀佛數聲唱言佛來接我屹然立化邦人此夜有夢二青衣引公西行者又三日前偏別道友勉修淨業有不復相見之語噫自非了唯心本性之道達生死變化之

9 80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

概述

通志錄卷四

三

六四

數不臻于是或疑李之夢因想以成弼曰其指白粥  
 愈病又安可欺哉時丞相益國公周必大睹君奇跡  
 製爲之贊曰皇皇然而無求惕惕然而無憂閔頽風  
 之將墜攬衆善以同流導之以仁義之源誘之以寂  
 滅之樂世知有作而莫識其無爲故中道奄然而示  
 人以真覺李君謹愿無以報德遂刊公像并事跡以  
 傳遠自是廬陵家家供事之

儀真王侍郎

王侍郎諱古字敏仲東都人也曾任尚書禮部侍郎  
 因作發運使遂居儀真稟性至仁寬慈愛物大弘佛

教開闡化原襄遇京師乃尊宿叢林之淵數嘗與之  
 論道及遊江西黃龍翠岩與晦堂楊岐輩同爲禪侶  
 深契宗旨又悟彌陀淨土法門之勝博考諸經深究  
 往生貫穿經文發明佛意乃作直指淨土決疑集三  
 卷楊次公提刑作敘載之本傳侍郎纂集大彌陀經  
 四十八願十六觀經九品往生馬鳴菩薩大乘起信  
 論忠國師對肅宗隨意往生念佛三昧寶王論及諸  
 經論備陳往生淨土要門該羅具錄如稱念南無三  
 十六萬億一一萬九千五百同名同號阿彌陀佛  
 亦於藏經中節出至於諸菩薩論淨土法門之要皆

801 2 3 4 5 6 7 8 9 901 2 3 4 5 6 7 8 9 1001 2 3 4 5 6 7 8

撰述

道學家集

悉徧集侍郎平日修行觀念之心未嘗間歇數珠持  
念常不去手行住坐臥悉以西方淨觀爲佛事有僧  
神遊淨土見侍郎與葛繁大夫同在淨土而作佛事  
乃往生安養之證驗也弘通淨土開示要津助阿彌  
陀普化一切自廬山十八賢之後繼此道以助佛揚  
化者獨次公敏仲著名於當時流傳數百世之下弘  
通彌陀大教廣度攝化之盛無有窮盡則晉代朝士  
之高致唯二公獨得之乃能光顯前賢克繼其遺風  
也

已上諸祖得道高師並係大藏高僧傳往生傳寶

珠集中錄出如慈照宗主道化盛行于世王臣僧  
俗悉皆從向念佛得道者甚衆及觀諸傳錄中都  
不備載無文可考今搜訪慈照宗主事蹟已入集  
其餘應有一切在家出家念佛得道名行之士專  
候高賢用心尋究實錄廣爲發揚卽當補入刊行  
庶免埋沒前修之德抑亦法門之光幸也

### 廬山蓮宗寶鑑念佛正派卷第四

音釋

燦猪孟切開口濫切  
張畫繪也  
闕望也  
臨也  
睹見也

801 2 3 4 5 6 7 8 9 901 2 3 4 5 6 7 8 9 1001 2 3 4 5 6 7 8

概述

浙江嘉興府嘉善縣夢華居士錢士升發心捐  
費刻此蓮宗寶鑑卷四計字一万一千二百四十  
該銀四兩四錢九分六專祈升慧根長進夙業  
消除過去父母超生淨界見在眷屬各長善根  
以及一切有情永脫兵荒歲獲饒益

崇禎甲申夏楞嚴寺般若堂白法老人性琮識

其鑑序

不識蓮無文可尋今對指慈照宗主事贊印人集  
谷志譽炎同念勸嘗真音甚衆又疇請專就中  
集某中說出吸慈照宗主事贊印人集王至

廬山蓮宗寶鑑念佛正信卷第五

六章

念佛正信說

夫唯心樂國普偏十方自性彌陀圓融一智妙應於  
色聲之境流光於心目之間就中反妄歸真直下背  
塵合覺昔我法藏發弘誓啓極樂之玄途故佛世尊  
指西方示韋提之妙域是乃廣長舌覆而同贊諸餘  
經盡而獨留蓋以利生之喜捨心增應化之慈悲量  
大教分九品乃別開方便之門觀明一心實徑直還  
源之路聖凡際會知久客歸於家鄉感化道交似稚  
子投於慈母昧斯至理觸類皆迷信此圓談事無不

9 8 0 1 2 3 4 5 6 7 8 9 9 0 1 2 3 4 5 6 7 8 9 10 1 2 3 4 5 6 7 8 9 10

達况復慈光願攝佛力難思順水乘船不勞自力推  
門落白豈有他哉有願必迎無機不被舟石可濟獄  
火頓消菩薩聲聞生彼者無量無數前賢後聖得道  
者可檢可尋鶼鶩頻伽尚有法音演唱蜎飛蟻動悉  
蒙教化恩慈聖境非虛佛言不妄何乃愛河浪底沉  
溺而不憂火宅焰中焚燒而不懼密織癡網淺智之  
刃莫能揮深種疑根汎信之力焉能拔遂卽甘心伏  
意幸禍樂災却誹清淨之邦貪戀煩惱之世焦蛾爛  
蠻自處餘殃籠鳥鼎魚翻稱快樂皆由善力微而業  
力勝信根少而罪根多是以三界茫茫四生擾擾盡

貪生而兀兀熟解知歸悉逐業以悠悠不求出要過  
去生死劫石難窮未來輪迴芥城何盡匪夙生之有幸  
豈得遇於斯因擊鼓開圓闕之門宜應速出逢舟濟  
沉淪之難詎可遲疑敬順全文善隨佛學不聞不解  
者可痛可傷焉矧茲五濁惡世四面火焚惟佛一  
人効能救援旣聞妙法宜直淨緣一念信誠萬德因  
種思齊先哲希悟真常普皆如說奉行盡心頂禮信  
受

## 斷疑生信

經云得爲人難六根完具難生中國難值佛道難興

9 80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

信心難益嘗論信之難興者緣有其疑也不斷其疑何由生信故金剛經云正信希有法華經云以信得入王龍舒云佛爲大醫王能救一切病不能救命盡者佛能度一切人不能度不信者益信者一念之真誠也若人心念要去身則隨去心念欲住身則隨住是知此身隨心念動有念欲去而身被牽繫者色身壞時惟一念而已一念到處則無處不到所以一念信心念佛求生淨土則必到淨土況吾佛世尊諸大菩薩又有本誓願力接引往生乎或問之曰今有一生持戒念佛臨終不得生淨土者何也答曰此蓋信

力不深行願之有虧也兼不曾發菩提之大心又不曾斷十惡之邪行雖曰修行未嘗言行相應雖曰念佛未嘗淨念相繼旣無真實之功焉得淨土之報也淨名經云隨其心淨則佛土淨六祖壇經云心中若無不善西方去此不遙若懷不善之心念佛求生難到不斷十惡之心何佛而來迎請大師故見世人不務淨心只是口念佛名於其心外求佛妄想執著而不自淨其心心造諸惡是謂自喪其佛又何更別求佛哉所以道迷卽衆生悟卽佛也圓通法門云憶佛念佛現在當來必定見佛蓋憶念者是心念也信心

980 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

清淨信行願俱備也楞嚴云一根既返源六根成解脫十惡化爲十善六識化六神通所以正信心中憶念佛名淨念相繼自性彌陀現前此感彼應臨命終時安得不見佛而生淨土乎凡修淨業者當信佛之言而行佛之行心口旣不相違因果決然不昧耳若也聞而不信信而不行猶畫餅之不充饑也心旣無信則生疑謗旣興疑謗則自昧其心自昧其心則淨土遠之遠矣故香山周居士述慈照蓮宗懺序云導師者化物有方誨人存理以深信爲能入破諸闡提專念佛爲行門令心不亂加菩提願心爲根本度脫

衆生備此三者乃極樂佛土上上品之可登毗盧果海流流而易到也又云此事人人本具箇箇圓成無信行願三字因茲淪墜嗚呼凡爲人者不在福德不在尊貴不在聰明不在相貌但具信行願者乃生淨土之資糧也四科棟云從是西方過十萬億佛土有世界名曰極樂是約遠也若一念信心念佛卽到西方是約近也故云亦近而亦遠在人之信願信不隔絲毫疑而生死轉又云從是西方過迢迢十萬程資糧若具足何愁去不成是也所以道信爲萬善之首信爲百行之宗華嚴以十信爲成佛之始法華以正

80123456789

90123456789

100123456789

信爲入道之門五根以信根爲先五力以信力爲最  
是故三世諸佛諸大菩薩歷代祖師修諸功行具大  
願力入佛境界成就菩提未有不從這箇信字而入  
也鸞法師遇畱支觀經卽焚仙經而修淨業豈不是  
這信字也白侍郎行也彌陀坐也彌陀不出這信字  
也蘇學士佩帶彌陀畫像行坐隨身言是西方公據  
者蓋亦不出這信字也張善和一生殺牛臨終自見  
地獄相現遇僧教令念阿彌陀佛念未十聲見佛接  
引往生淨土卽脫地獄豈不是信得及而致然耶華  
嚴經云信爲道元功德母信能長養諸善根信能超

出衆魔路信能得入三摩地信能解脫生死海信能  
成就佛菩提嗟乎今時齋人信持戒而不信念佛信  
奉佛不信往生淨土是皆自失其大利也諒哉人天  
路上以福爲先生死海中念佛第一今有欲快樂人  
天而不修福欲出離生死而不念佛是猶鳥無翼而  
欲飛木無根而欲茂奚何得哉凡我同盟切須深信  
諸佛所說真實非虛脫苦良方無如念佛專修淨業  
期出輪迴時不待人慎勿疑惑可謂此身不向今生  
度更向何生度此身

勸發信心

9 8 7 6 5 4 3 2 1

1 2 3 4 5 6 7 8 9 10

1 2 3 4 5 6 7 8 9 10

夫阿彌陀佛者諸佛中尊四生之父歸信者滅罪河沙稱念者得福無量凡欲念佛要起信心若無信心空無所獲是故肇法師云是事如是者信之相也是事不如是者不信之相也夫信爲入道之初宗智爲究竟之玄術諸經首稱如是者信也後曰奉行者智也故彌陀經云若有信者應當發願生彼國土此是釋迦本師勸信處又云汝等當信是稱讚不可思議功德此是六方諸佛勸信處又云若人種善根疑則花不開信心清淨者花開卽見佛此是往生論勸信處又云信者順之詞信則所言之理順順則師資之

道成經無豐約非信不傳此是肇法師勸信處又云念佛法門不問道俗不論男女不拘貴賤修此法者唯要信心此是大行和尚勸信處問曰旣言信者未知信何法門答曰信意者信憑經中佛說念佛定生淨土信念佛定滅諸罪信念佛定得佛護信念佛定得佛證信念佛臨終定得佛來迎接信念佛不問衆生同信之人皆得往生信念佛往生定得不退地信念佛生淨土定不墮三惡道所以勸信念佛受此法持此念則往生淨土必矣故大行和尚遣念佛人心唯信佛佛則知之他心通故口惟稱佛佛則聞之天

9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

標題

卷之三

大

耳通故身惟禮佛佛則見之天眼通故是以大行和尚以此念佛法勸人生信心也又喻云信心者猶如深栽果樹根深故風吹不動後着果實濟人饑渴念佛之人亦復如是要由深信得到西方若無信心空無所獲是故經言十住菩薩一起信心念佛之後縱遇惡緣寧捨身命不退信故維摩云深信堅固猶如金剛法珍普照如雨甘露念佛三昧從深信生君看淨土恒沙佛盡是當年正信人

天竺慈雲式懺主往生正信偈

稽首西方安樂刹 彌陀世主大慈尊

我依種種修多羅 成就往生決定信

住大乘者清淨心

十念念彼無量壽

臨終夢佛定往生

大寶積經如是說

五逆地獄衆火現

值善知識發猛心

十念稱佛卽往生

十六觀經如是說

若有歡喜愛樂心

下至十念卽往生

若不爾者不成佛

四十八願如是說

諸有聞名生至心

一念回向卽往生

唯除五逆謗正法

無量壽經如是說

臨終不能觀及念

但作生意知有佛

801 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

攝述

通鑑卷之五

此人氣絕卽往生

大法古今如是說

一日一夜懸繒蓋

專念往生心不斷

臥中夢佛卽往生

無量壽經如是說

晝夜一日稱佛名

慇懃精進不斷絕

展轉相勸同往生

大悲經中如是說

一日二日至七日

執持名號心不亂

佛現其前卽往生

阿彌陀佛如是說

若人聞彼阿彌陀

一日二日若過等

繫念現前卽往生

般舟經中如是說

二日一夜六時中

五體禮佛念不斷

現見彼佛卽往生

鼓音王經如是說

十日十夜持齋戒

懸繒旛蓋然香燈

繫念不斷得往生

大彌陀經如是說

若人專念一方佛

或行或坐七七日

現身見佛卽往生

大集經中如是說

若人自誓常經行

九十日中不坐卧

三昧中見阿彌陀

佛立經中如是說

若人端坐正西向

九十日中常念佛

能成三昧生佛前

文殊般若如是說

我於衆經頌少分

如是說者無窮盡

9 8 0 1 2 3 4 5 6 7 8 9 9 0 1 2 3 4 5 6 7 8 9 1 0 1 2 3 4 5 6 7 8 9 1 0 1 2 3 4 5 6 7 8

經述

通宗解卷三

願同聞者生正信 佛語真實不欺詐

佛旣顯言易往生 幸各正信無疑惑

天台智者大師淨土十疑論序

夫四果之明不能測如來之奧十地之聖不能窮極  
 果之妙矧茲凡夫生無慧目陷三界有必固之妄指  
 淨土謬難轉之疑疑之於身知五蘊之未滅疑之於  
 心知萬惑之未遣疑之於行知六度之未濟由漂沉  
 未濟之行期濟於已濟之域在於其已猶惑之况他  
 人哉此物情難信爲道俗所共疑也隋智者大師心  
 與物冥智將神會乘時翼教異跡由著因其所異考

其所證不知其三賢之人乎十聖之人乎其爲應正  
 等覺妙神化于難思乎蓋亦思之不能知也但大師  
 念定總持昭晰行業期生淨土間無容髮發大師之  
 所有存者其十疑之文乎然其文遠取諸經近取諸  
 論去就其意以取諸傳無離經以備事無飾辭以增  
 巧審辭達意能極九品之所生乃見大師之用心也  
 見大師之心者其於淨土之有疑所謂高天無雲羣  
 星列彩經紀之所相殊躔次之所相異粲粲然無一  
 而隱者也予得其文載念能仁所稱淨土者累焉諸  
 佛證而成之者或舌相以覆大千或潮音而演梵說

9 8 0 1 2 3 4 5 6 7 8 9

10 1

11 1

12 1

13 1

14 1

15 1

16 1

17 1

18 1

19 1

余雖陋學不得以相輝映烏可無言哉故於論首略陳一二以罄予所懷雖辭膚理淺不足起大師之化在其先佛證成之義且有歸矣

無爲揚提刑直指淨土決疑序

大願聖人從淨土來來實無來深信凡夫往淨土去實無去彼不來此此不往彼而其聖凡會遇兩得交際者何也彌陀光明如大圓月徧照十方水澄而清則月現全體月非趣水而遽來水動而濁則月無定光月非捨水而遽去在水則有清濁動靜在月則無取捨去來故華嚴解脫長者云知一切佛猶如影

像自心如水彼諸如來不來至此我亦不往彼我若欲見安樂世界阿彌陀佛隨意卽見是知衆生注念定見阿彌陀佛此乃稱性實言非權教也淨土無欲非欲界也其國地居非色界也生有形像非無色界也一切衆生未寤正覺處大夢中六道升沉未嘗休止諸天雖樂報盡相衰修羅方嗔戰爭互勝劣生飛走歛食相殘鬼神幽陰饑渴困逼地獄長夜痛楚號呼得生人趣固已爲幸然而生老病死衆苦縈纏惟是淨邦更無諸苦蓮苞托質無生苦也寒暑不遷無老苦也身無分段無病苦也壽命無量無死苦也無

9 8 0 1 2 3 4 5 6 7 8 9

1001

1

1001

1

1001

父母妻子無愛別離苦也上善人聚無怨憎會苦也  
花穀香食珍寶受用無求不得苦也觀照空寂無蘊  
苦也悲濟有情欲生則生不住寂滅非二乘也智照  
生死得不退轉非凡夫也三界蕩然譬如四裔丘陵  
坑坎腐穢所積溪壑阻絕孰爲津梁迺有狂人迷路  
於此惡獸魑魅惱害雜居刀兵水火或時傷暴風霜  
霹靂凌厲摧憚罔知城域可以庇覆飲食衣服未或  
充足甘受是苦不求安樂有佛釋迦是大導師指清  
淨土是安樂國無量壽佛是淨土師爾諸衆生若生  
彼土則無諸惱不聞知者固可哀憐亦有善士發三

種心不求生者尤可嗟惜一曰吾當超佛越祖淨土  
不足生也二曰處處皆淨土西方不必生也三曰極  
樂聖域我輩凡夫不能生也夫行海無量普賢願見  
彌陀佛國雖空維摩常修淨土十方如來有廣舌之  
讚十方菩薩有同往之心試自忖量孰與諸聖謂不足  
生者何其自欺哉至如龍猛祖師也楞伽經有預  
記之文天親教宗也無量論有求生之偈慈恩通讚  
首稱十勝智者析理明辯十疑彼皆上哲精進往生  
謂不必生者何其自慢哉火車可滅舟石不沉現華  
報者莫甚於張馗十念而超勝處入地獄者莫速於

雄俊再甦而證妙因世人愆尤未必若此謂不能生

者何其自棄哉般舟三昧經云跋陀和菩薩問佛未

來衆生云何得見十方諸佛佛教令念阿彌陀佛卽

見十方諸佛寶積經云他方衆生聞無量壽如來名  
迺至能發一念淨信懽喜愛樂所有善根回向願生  
彼國者隨願皆生得不退轉此皆佛言也不信佛言  
何言可信不生淨土何土可生自欺自慢自棄已靈  
流入輪迴是誰之咎四十八願悉爲度生一十六觀  
同歸繫念一念既信已投種於寶池衆善相資定化  
生於金地母輒悔惰誤認疑城卽時蓮開得解脫道

唯心淨土自性彌陀大光明中決無魔事決疑集者  
王敏仲侍郎之編也開釋疑情徑超信地其載要旨  
最爲詳審蓋安養國之鄉導也若登彼崖舟固可忘  
來者問津斯言毋忽

### 廬山蓮宗寶鑑念佛正信卷第五

音釋

潤

側銀切木晰之逝切之  
出鄭國列切明也



浙江嘉興府嘉善縣夢華居士錢士升發心捐  
該銀二兩七錢一分二毫半升慧根長進夙業  
消除以及一切有情永脫兵荒歲獲饒益  
崇禎甲申夏楞嚴寺般若堂白法老人性琮識

9 8 0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1

來始聞其子耳

溫山東北有


古戰

牛祭古戰

西山北

景休往者都文采國文辟事尚若登及漢代固因亦  
王之子也既知其子固可謂貴其無常也固當也其人  
而人皆士也知其子固可謂貴其無常也固當也其人





9  
8  
7  
6  
5  
4  
3  
2  
1  
0  
1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20